

沈雲龍主編

近代中國史料叢刊
第八輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治交外社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第八集

目 錄

清皇室四譜	唐邦治輯
呂文節公（鶴田）奏議	呂賢基著
胡文忠公（林翼）年譜	嚴樹森編
丁文誠公（寶楨）遺集	羅文彬編
石渠餘紀	王慶雲著
拙尊園叢稿	黎庶昌著
咸同中興名賢手札	郭慶蕃輯
近代名人小傳	費行簡著
江西紀遊	李璜著
清寧集	常乃惠著

近代中國史料叢刊第八輯

沈雲龍主編

清皇室四譜

唐邦治輯

文海出版社印行

濟
自
王
室

三
逆
口

鮫
鼎
扶

九
署



清皇室四譜目錄

一列帝

二后妃

三皇子

四皇女

昔鄱陽馬貴與撰文獻通考仿王溥唐及五代會要之體立帝系一門首敘帝王之姓氏出處及其享國之期紀元之數以及各代之始終次及后妃皇子公主皇族而清之皇朝文獻通考因之夫其書纂自本朝臨以天子之制書而哀集於儒臣之手宜其詳贍精密遠過於易代而後之爲之者乃一披尋其紀述之間或故爲謬悠之詞或悍作蓋闕之語推其用心毋亦曰爲尊親諱禮在則

然然究其所諱皆漢唐往史之所嘗有且並無如漢唐往史之甚者是本自無庸諱矣乃諱之於此而他書復紛紜錯見不能一概滅迹於是乎不必諱而諱而挾伎心逞仇脗者轉以爲一切皆諱遂致污蔑無人倫之言得抵隙蹈瑕而入作僞心勞日拙不得不爲當時之秉筆諸臣惜也愚向者不自揣量從事清事不賢識小粗有成書而天潢眷屬尤三復專注顧手披目覽不過坊市流布之書互證參稽已頗得其罅漏抵牾之跡幸復備員史館金匱石室之藏足恣搜討於是乃取實錄本紀列傳會典事例宮史諸書對勘旁推衷諸一足不足復參以歷朝御集故府祕檔仍不足則私家之纂集海邦之紀聞亦節取之定鼎以前則印證於有明實錄所見之世則采獲於宮報官抄其生卒年月十九據之玉牒惟后

妃生卒玉牒不載故不能悉詳也編次旣成命之曰清皇室四譜
凡四卷要之有聯綴無造作有鉤稽無穿鑿有清一代列帝后妃
皇子皇女蓋不啻人具一小傳矣其非皇女而封公主者附皇女
之次猶馬書例也若皇孫以次別有皇族略譜見屬草藁未竟殺
青寫定聊俟異日夏正壬戌之年建亥之月清史館協修丹陽唐
邦治子均甫自序於宣南思峴寄廬

清皇室四譜卷一

丹陽唐邦治輯

列帝

肇祖原皇帝姓愛新覺羅氏名都督孟特穆相傳始祖布庫里雍順母天女曰佛庫倫浴於長白山下池中吞朱果有感而娠生始祖始祖稍長母命之姓愛新覺羅愛新金覺羅氏也後往三姓部落定其亂遂爲之長居長白山東俄漠惠之野鄂朵里城或曰城在長白山北始號其部曰滿洲傳數世衆叛族散有幼子范察遁荒免隱其身以終再數傳乃至肇祖肇祖計誘先世仇人之後誅之並搜舊業始移居蘇克蘇濟河濱之呼蘭哈達山下地曰赫圖阿拉西距鄂朵里千五百里後所稱興京是也肇祖卒葬衣冠於赫圖阿拉西北十里之地太宗崇德元年四月追尊曰澤王世祖

順治五年十一月加上今諡號升祔太廟後殿八年十一月封所葬山曰啓運山十六年九月尊曰永陵子二人此清官書云爾考清先世實女真爲金別部元滅金卽其地置軍民萬戶府明興視爲邊夷永樂元年十一月設建州衛以女真野人頭目阿哈出爲指揮賜姓李名思誠弟猛哥不花累官毛憐衛都督同知子釋家奴累官建州衛都指揮僉事釋家奴卽永樂八年賜名李顯忠者也釋家奴子李滿住襲父職宣德四年三月求入朝充宿衛不許初阿哈出駐三姓附近漸南移至潑猪江正統元年閏六月李滿住以數被忽刺温野人侵害乞內徙遼陽草河二年春詔許移駐蘇子河濱之竈突山南蘇子河卽蘇克蘇濟河竈突山卽女真語之呼蘭哈達滿住滿州之號所由起也然清不祖李滿住而祖猛

哥帖木兒猛哥帖木兒者亦建州夷與阿哈出同時大抵亦同族
初居三姓對岸之幹朵里尋南移近圖門江嘗被兀狄哈攻劫走
朝鮮朝鮮王授以萬戶之職後又授上將軍永樂十年置建州左
衛於朝鮮鏡城之阿木河使移居焉授以指揮十四年二月入朝
賜宴宣德元年正月晉都督僉事時弟凡察亦授職七年三月凡
察以招撫遠夷晉建州左衛都指揮僉事八年二月猛哥帖木兒
晉右都督凡察晉都指揮使八月猛哥帖木兒及子阿古被七姓
野人攻殺尋嫡子董山襲職別見皇子譜方難作時凡察與猛哥
帖木兒子童倉率五百餘家遁朝鮮朝鮮厚視之凡察尋走還建
州依李滿住蘇子河朝鮮留其私屬不肯遣正統五年十月勅許
凡察與李滿住同駐七年二月別設建州右衛以凡察爲都督同

知成化三年九月明出兵五道討建州朝鮮遣將擊斬李滿住及其子古納哈凡察不知所終或曰嘉靖時建州都指揮王杲其裔也萬曆三年八月王杲伏誅京師子阿台見後景祖事內猛哥帖木兒斷爲肇祖孟特穆譯音殊名旣被難阿木河自不得遠葬於赫圖阿拉故永陵祇奉衣冠矣凡察卽范察隱身而終其或然歟然謂爲肇祖之先世則乖異殊甚

興祖直皇帝名都督福滿肇祖曾孫父曰錫寶齊篇古卒葬肇祖衣冠墓附近北域居中後曰永陵崇德元年四月追尊曰慶王順治五年十一月加上今諡號升祔太廟後殿子六人

按清官書敘述世系多與明實錄不合興祖福滿尤鮮印證茲姑用官書原文別詳論於鄙輯清先世事蹟考中

景祖翼皇帝名覺昌安明人書譯爲教場或爲叫場興祖第四子故亦稱四祖居赫圖阿拉三兄兩弟各築城環處相距近五里遠二十里統稱寧古塔貝勒寧古塔女真語六箇也與後之吉林境內地各寧古塔者絕遠景祖嘗被明勅爲建州衛都指揮隸本衛夷酋王杲部下以孫女妻王杲子阿台卽阿太章京景祖與子禮敦擊滅近地諸強悍部落收服五嶺東蘇克蘇濟河西二百里內諸部萬曆十一年二月明總兵李成梁討阿台景祖與子顯祖爲前導遂掩殺阿台旋被鄰部尼堪外蘭讒構於成梁景祖父子亦被害明人寃之尋歸其喪葬興祖墓之昭位天命九年四月移葬瀋陽城東南百二十里之東京崇德元年四月追尊曰昌王順治五年十一月加上今諡號升祔太廟後殿八年十一月封所葬處

日積慶山十五年九月仍移葬原處十六年九月尊曰永陵子五人

顯祖宣皇帝名塔克世明人書譯爲他失景祖第四子生於明嘉靖十餘年間初與景祖同効忠於明萬曆十一年二月阿台之難與景祖同被害時年未五十明人尋歸其喪葬與祖墓穆位天命九年四月與景祖同移葬東京崇德元年四月追尊曰福王順治五年十一月加上今諡號升祔太廟後殿十五年九月仍與景祖同移葬永陵子五人女一人

太祖承天廣運聖德神功肇紀立極仁孝睿武端毅欽安弘文定業高皇帝名努爾哈赤明人書多譯努爲奴故爲醜詞不足訓顯祖長子生於明嘉靖三十八年己未母顯祖嫡妻喜塔臘氏後尊

爲宣皇后者也稍長稱聰睿貝勒萬曆十一年癸未二月遘祖父
難時年二十五席父遺業止甲十三副旋往詰責明邊吏明還我
二祖喪給勅書三十道馬三十匹並授建州衛都指揮使五月起
兵征家仇尼堪外蘭同族人多內叛十四年七月卒追殺尼堪外
蘭於明邊外十六年四月環境諸部皆來附十七年九月明徇薊
遼督撫巡按之請錄二祖死事功晉太祖建州左衛都督僉事命
鈐束五十三部女真如葉赫哈達建州勢益強十九年敘管束女
真功加號龍虎將軍頻歲入貢二十七年三月始製國書九月滅
哈達併明南關三十四年十二月喀爾喀五部致神武汗號後官
書譯爲皇帝明年九月滅輝發四十一年正月滅烏拉九月遣子
入質明不受四十三年三月入貢後遂絕四十四年丙辰正月初

一曰自稱覆育列國英明可汗後官書譯爲皇帝建元天命號其
國曰後金後官書譯後金削之明人云其自稱爲建州可汗亦稱
後金可汗三年四月以七恨誓師攻明克撫順七月克清河堡四
年正月明懸賞格購我三月明出師四路來攻大敗之薩爾濟山
八月滅葉赫併明北關六年三月下明遼陽瀋陽四月遷居遼陽
七年三月築東京九年四月遷居東京十年正月拔明旅順三月
遷居瀋陽十一年丙寅明天啓六年也正月自將攻明寧遠敗績
被創甚八月十一日未刻殂年六十有八以妃妾三人殉葬瀋陽
城西北隅天聰三年二月遷葬瀋陽城東二十里石觜頭山崇德
元年四月追上尊諡曰承天廣運聖德神功肇紀立極仁孝武皇
帝廟號如上葬所曰福陵順治元年九月升祔太廟八年十一月

封福陵之山曰天柱山康熙元年四月改上尊諡曰承天廣運聖德神功肇紀立極仁孝睿武弘文定業高皇帝雍正元年八月加上尊諡端毅二字乾隆元年三月加上欽安二字卽今諡子十六人女八人

太宗應天興國弘德彰武寬溫仁聖睿孝敬敏昭定隆道顯功文皇帝名皇太極太祖第八子明萬曆二十年壬辰十月二十五日申時生母太祖福晉葉赫納喇氏後尊爲孝慈高皇后者也天命元年四月賜號和碩貝勒與代善阿敏莽古爾泰同參國務帝年最少國人稱爲四貝勒十一年丙寅九月初一日襲父汗位時年三十有五明年丁卯紀元天聰三年十月自將攻明入塞薄燕京八年四月改瀋陽曰盛京赫圖阿拉曰興京六月自將滅察哈爾

七月再自將攻明入塞略宣府大同九年二月內蒙古皆服十月
禁國人稱女真祇許稱滿州十年丙子四月初十日稱尊號曰寬
溫仁聖皇帝建國號曰清改元崇德實明之崇禎九年也二年十
月擊降朝鮮更封其王厄魯特汗入貢三年三月喀爾喀三汗並
入貢九月遣將攻明入塞擾幾輔略山東七年二月下明松山錦
州十月西藏遣使來聘並貢物旋再遣將攻明入塞太略幾南山
東八年癸未八月初九日亥刻殂年五十有二以章京二人殉順
治元年八月葬昭陵在盛京城西十里九月升祔太廟十月上尊
諡曰應天興國弘德彰武寬溫仁聖睿孝文皇帝廟號如上八年
十一月封昭陵之山曰隆業山康熙元年四月加上尊諡隆道顯
功四字雍正元年八月加上敬敏二字乾隆元年三月加上昭定

二字卽今諡子十一人女十四人

世祖體天隆運定統建極英睿欽文顯武大德弘功聖仁純孝章
皇帝名福臨嘗自號臆菴道人太宗第九子崇德三年戊寅正月
三十日戌時生母永福宮莊妃博爾濟錦氏卽孝莊文皇后八年
癸未八月二十六日襲父位時年六歲叔父睿親王多爾袞從叔
父鄭親王濟爾哈朗同輔政明年甲申紀元順治實明之崇禎十
七年也四月命多爾袞率師經略中原五月得明天下九月大駕
自盛京遷都燕京十月初一日卽皇帝位於武英殿定有天下之
號仍曰清紀元仍曰順治命多爾袞獨攝政二年五月滅明福王
六月下令薙髮旋滅流賊李自成七月下令易服三年十二月滅
明唐王並滅流賊張獻忠八年正月十二日親政九年十二月西

藏達賴喇嘛入覲受封十年閏六月琉球內屬十八年辛丑正月初七日子刻因病痘崩於養心殿壽二十有四以妃一人侍衛一人殉三月上尊諡曰體天隆運英睿欽文大德弘功至仁純孝章皇帝廟號如上十一月升祔太廟康熙二年六月葬孝陵在遵化州西北七十里之豐臺嶺一名鳳臺山旋封曰昌瑞山雍正元年八月加上尊諡定統建極四字乾隆元年三月加上顯武二字卽今諡子八人女六人

聖祖合天弘運文武睿哲恭儉寬裕孝敬誠信中和功德大成仁皇帝諱玄燁嘗自號體元主人世祖第三子順治十一年甲午三月十八日己時生於景仁宮母世祖妃佟氏卽孝康章皇后十八年辛丑正月世祖大漸爲帝特定漢字御名卽今諱清之避御名

立廟諱自此始旋遺詔立爲皇太子嗣大統十九日卽皇帝位於太和殿時年八歲以內大臣索尼蘇克薩哈遏必隆鼈拜四人輔政是年十二月滅明桂王天下混一明年壬寅紀元康熙五年五月安南黎氏內屬六年七月初七日親政十二年二月暹羅內屬十一月滇藩吳三桂反閩桂相繼起雲南貴州福建兩廣四川陝西諸省俱遭蹂躪二十年十月以次蕩平二十二年八月擊降臺灣鄭氏改置郡縣三十年四月喀爾喀全部內附至是外蒙古皆服三十六年閏三月擊殺噶爾丹朔漠平十一月青海內附五十六年八月西藏被侵五十九年八月擊定六十年四月臺灣亂六月平在位南巡者六爲二十三年十月幸江蘇二十八年正月三十八年二月四十二年正月四十四年二月四十六年正月皆道

江蘇並幸浙江惟四十一年九月車駕已至德州因太子允初病
卽止東巡者一爲二十三年十一月南巡回鑾時特詣闕里西巡
者一爲四十二年十月幸太原西安出塞者四爲三十年四月至
多羅諾爾三十五年正月至克魯倫河三十六年二月至狼居胥
山四十年正月至索岳爾濟山幸五臺者四爲二十二年二月三
十七年二月四十年正月四十九年二月六十年二月壬寅十一
月十三日戌刻崩於暢春園壽六十有九雍正元年二月上尊諡
曰合天弘運文武睿哲恭儉寬裕孝敬誠信功德大成仁皇帝廟
號如上九月葬景陵在孝陵之東馬蘭峪旋升祔太廟乾隆元年
三月加上尊諡中和二字卽今諡有御製詩文集子三十五人女
二十人

世宗敬天昌運建中表正文武英明寬仁信毅睿聖大孝至誠憲
皇帝諱胤禩聖祖第四子其初次序實爲第十一康熙十七年戊
午十月三十日寅時生母烏雅氏卽孝恭仁皇后三十七年三月
封多羅貝勒四十二年正月隨駕南巡四十八年三月晉封和碩
雍親王六十一年壬寅十一月二十日遵遺命卽皇帝位於太和
殿時年四十五歲明年癸卯紀元雍正五月青海叛二年三月削
平五年二月勦滇黔苗疆五月西藏叛亂明年十二月西藏定八
年十二月準噶爾侵西陲十二年五月許準噶爾款定界十三年
乙卯八月二十三日子刻崩於圓明園壽五十有八十一月上尊
諡曰敬天昌運建中表正文武英明寬仁信毅大孝至誠憲皇帝
廟號如上乾隆二年三月葬泰陵在易州西三十里之太平峪改

其名曰永寧山旋升祔太廟嘉慶四年五月加上尊諡睿聖二字
卽今諡有御製詩文集子十人女四人

高宗法天隆運至誠先覺體元立極敷文奮武欽明孝慈神聖純
皇帝諱弘曆雍正十年世宗賜號長春居士後嘗自號信天主人
七十後自稱古稀天子又自稱十全老人爲世宗第四子其初次
序實爲第五康熙五十年辛卯八月十三日子時生於雍親王府
邸母王府格格鈕祜祿氏卽孝聖憲皇后六十一年三月聖祖命
養之宮中雍正元年八月世宗密建皇儲緘其名於乾清宮正大
光明扁額後十一年二月封和碩寶親王十三年乙卯五月命入
值辦理苗疆事務處八月遺詔立爲皇太子嗣大統九月初三日
卽皇帝位於太和殿時年二十五歲明年丙辰紀元乾隆七月擊

定苗疆十二年二月大金川叛十四年正月平大金川十五年十月西藏叛亂旋定十六年六月緬甸內屬十八年五月準部亂二十年五月準部平二十四年十月擊平回部三十一年正月緬甸叛三十六年八月小金川叛是年緬甸滅暹羅四十一年二月平小金川五十一年十二月暹羅國復仍內屬臺灣亂五十三年正月臺灣平五月安南黎氏滅六月緬甸仍內屬七月廓爾喀寇後藏五十四年六月安南阮氏仍內屬尋其王入覲五十七年六月擊降廓爾喀遂內屬在位南巡者六爲十六年正月二十二年正月二十七年正月三十年正月四十五年正月四十九年正月皆幸江蘇浙江東巡者六爲十三年二月二十一年三月三十六年二月四十四年二月四十九年二月五十五年二月皆登泰山謁

曲阜西巡者一爲十五年八月幸嵩洛幸五臺者五爲十一年九月二十六日二月四十六日二月五十一日二月五十七日三月歲乙卯卽位六十年旣滿明年嘉慶元年正月朔日御太和殿內禪遂稱太上皇帝退居寧壽宮仍訓政四年正月初三日辰刻崩於養心殿壽八十有九四月上尊諡曰法天隆運至誠先覺體元立極敷文奮武孝慈神聖純皇帝廟號如上九月葬裕明在孝陵西勝水峪旋升祔太廟二十五年十二月加上尊諡欽明二字卽今諡有樂善堂集及御製詩文集子十七人女十人仁宗受天興運敷化綏猷崇文經武光裕孝恭勤儉端敏英哲睿皇帝諱顥琰初名永琰卽位後改今諱高宗第十五子乾隆二十五年庚辰十月初六日丑時生於圓明園之天地一家春母貴妃

魏氏卽孝儀純皇后三十八年十一月冬至節高宗密建皇儲緘其名於乾清宮正大光明扁額後四十九年正月隨駕南巡五十四年十一月封和碩嘉親王五十五年二月隨駕東巡六十年九月立爲皇太子居毓慶宮明年丙辰紀元嘉慶正月朔日受高宗內禪卽皇帝位於太和殿時年二十七歲高宗訓政旋白蓮賊起川陝湘楚諸省迭陷迭復四年正月初三日親政七年十二月賊亂肅清八年六月改安南國號曰越南十六年三月幸五臺山十八年七月秋獮木蘭九月教匪林清犯闕旋伏誅二十五年庚辰七月秋獮木蘭是月二十五日戌刻崩於熱河行宮壽六十有一八月梓宮還京師十月上尊諡日受天興運敷化綏猷崇文經武孝恭勤儉端敏英哲睿皇帝廟號如上道光元年三月葬昌陵在

永寧山泰陵之西旋升祔太廟三十年五月加上尊諡光裕二字
卽今諡有御製味餘書室集子五人女九人

宣宗效天符運立中體正至文聖武智勇仁慈儉勤孝敏寬定成
皇帝諱旻寧初名綿寧卽位後改今諱仁宗第二子乾隆四十七
年壬寅八月初十日寅時生於撝芳殿中所母皇子嫡妃喜塔臘
氏卽孝淑睿皇后嘉慶四年四月仁宗密定皇儲緘其名於鐫匣
十八年九月以禁籟擊賊功特旨封和碩智親王二十五年庚辰
七月隨駕駐熱河行宮仁宗疾大漸宣示緘名以帝爲皇太子嗣
大統尋還宮八月二十七日卽皇帝位於太和殿時年三十九歲
明年辛巳紀元道光五年九月回會叛陷新疆西四城七年三月
克復二十年六月英吉利人陷定海明年七月陷廈門九月陷寧

波二十二年六月陷鎮江江寧旋議款割香港予英並開廣州福州廈門寧波上海等五處爲通商口岸三十年庚戌正月十四日午刻崩於圓明園慎德堂大行皇太后喪苦次壽六十有九四月上尊諡曰效天符運立中體正至文聖武智勇仁慈儉勤孝敏成皇帝廟號如上咸豐二年三月葬慕陵在昌陵西南龍泉峪旋升祔太廟十一年七月加上尊諡寬定二字卽今諡有御製養正書屋集子九人女十人

文宗協天翊運執中垂謨懋德振武聖孝淵恭端仁寬敏莊儉顯皇帝諱奕訖宣宗第四子道光十一年辛卯六月初九日丑時生於圓明園之澄靜齋卽後更爲基福堂者也母全貴妃鈕祜祿氏卽孝全成皇后二十六年六月宣宗密定皇儲緘其名於鐫匣三

十年庚戌正月宣宗大漸開示緘名以帝爲皇太子嗣大統是月二十六日卽皇帝位於太和殿時年二十歲六月長髮賊洪秀全起廣西桂平之金田村明年辛亥紀元咸豐尋捻賊起河南三年正月髮賊竄陷江甯據爲僞都大江南北十餘行省郡縣迭被陷沒七年十二月英法聯軍陷廣州八年四月陷大沽五月議款開漢口九江江甯鎮江牛莊登州臺灣潮州瓊州爲通商口岸十年七月聯軍復陷天津八月初八日車駕出狩熱河九月與英法議款開天津爲通商口岸並割九龍予英十一年辛酉七月十七日寅刻崩於熱河行宮之煙波致爽殿壽三十有一十月梓宮還京師十二月上尊諡曰協天翊運執中垂謨懋德振武聖孝淵恭端仁寬敏顯皇帝廟號如上同治四年九月葬定陵在裕陵西之平

安峪旋升祔太廟光緒元年六月加上尊諡莊儉二字卽今諡有御製履信書屋集子二人女一人同治十三年十二月更以德宗爲嗣子

穆宗繼天開運受中居正保大定功聖智誠孝信敏恭寬明肅毅皇帝諱載淳文宗長子咸豐六年丙辰三月二十三日未時生於圓明園之儲秀宮母懿嬪葉赫納喇氏卽孝欽顯皇后十年八月隨侍熱河行宮明年辛酉七月十六日文宗不豫立帝爲皇太子嗣大統時年六歲怡親王載垣鄭親王端華協辦大學士輔國將軍肅順御前大臣固倫額駙景壽及軍機大臣穆蔭等八人自稱受遺詔贊襄政務九月二十九日車駕還京師十月初九日卽皇帝位於太和殿詔明年改元同治初擬改元祺祥至是不用十一

月兩宮皇太后鈕祜祿氏葉赫納喇氏垂簾訓政同治元年壬戌雲南叛回起陷城邑三年五月俄羅斯奪我藩部霍罕六月克復江寧髮賊尋滅東南諸省亂定五年正月新疆叛回陷伊犁七年六月捻賊肅清幾輔及河南北諸省定八年九月暹羅請改貢道不許自是貢亦不至十年五月俄人據我伊犁十二年正月二十六日帝親政五月滇黔回亂肅清域內平十三年甲戌十一月初十日病痘復由兩宮皇太后訓政十二月初五日酉刻崩於養心殿壽十有九或曰被生母皇太后葉赫納喇氏暴驚致痘陷而崩或又曰帝病非痘實微行致蘊毒使然然皆不能明也光緒元年三月上尊諡曰繼天開運受中居正保大定功聖智誠孝信敏恭寬毅皇帝廟號如上五年三月葬惠陵在裕陵東南雙山峪閏三

月升祔太廟宣統元年四月加上尊諡明肅二字卽今諡無子光緒二十五年十二月以從弟端郡王載漪之子溥儀入嗣二十七年十月溥儀廢三十四年十月復以宣統帝爲嗣

德宗同天崇運大中至正經文緯武仁孝睿智端儉寬勤景皇帝諱載灃文宗弟醇賢親王奕譞之第二子同治十年辛未六月二十八日子時生於太平湖藩邸之槐蔭齋母醇親王嫡福晉葉赫納喇氏卽孝欽顯皇后親妹也後以避孟秋時享齋期改以是月二十六日爲萬壽節十一年九月賜頭品頂戴十二年十二月賜戴花翎十三年甲戌十一月賜食輔國公俸十二月初五日穆宗崩帝入繼文宗爲嗣皇帝時年四歲兩宮皇太后鈕祜祿氏葉赫納喇氏垂簾訓政明年乙亥正月二十日卽皇帝位於太和殿下

詔以光緒紀元三年十一月新疆以次克復尋改置郡縣五年三月日本滅我琉球七年正月俄人還我伊犁三月皇太后葉赫納喇氏獨訓政十一年四月法人取我越南十一月英人滅我緬甸十三年正月十五日帝親政皇太后猶訓政十月以澳門承租於葡萄牙十五年二月初三日皇太后始歸政二十年十月日本陷遼東二十一年三月棄臺灣澎湖聽朝鮮爲自主國開沙市重慶蘇州杭州爲通商口岸五月日本歸我遼東二十四年二月以膠州灣租於德三月以旅順大連灣租於俄五月以威海衛租於英八月初八日皇太后復訓政世謂之戊戌政變帝幽居西苑瀛臺稱病二十五年十月以廣州灣租於法二十六年七月二十一日英俄德法美意奧日本聯軍陷京師帝西巡九月初四日至西安

駐蹕明年八月二十四日東還十一月二十八日至京師三十一年十一月旅順大連灣租借權移於日本三十二年七月下詔預備立憲三十四年戊申十月二十一日酉刻崩於瀛臺壽三十有八宣統元年正月上尊諡廟號如上三月安厝梓宮於西陵梁格莊行宮越四年癸丑十一月葬於金龍峪曰崇陵旋升祔太廟無子以宣統帝兼祧

宣統皇帝御名溥儀德宗弟醇親王載灃長子光緒三十二年丙午正月十四日午時生於十刹海藩邸母醇親王嫡福晉瓜爾佳氏大學士榮祿女也三十四年戊申十月二十一日入嗣穆宗兼祧德宗爲嗣皇帝時年三歲本生父載灃攝政十一月初九日卽皇帝位於太和殿明年己酉紀元宣統三年辛亥八月革命軍起

武昌漢陽各省以次響應號獨立十二月二十五日奉隆裕皇太后葉赫納喇氏懿旨下詔命內閣總理大臣袁世凱組設臨時共和政府遂遜國仍享優待條件不廢尊號

清皇室四譜卷一

清皇室四譜卷二

丹陽唐邦治輯

后妃

肇祖原皇帝

原皇后氏族無考合葬永陵亦當爲衣冠墓順治五年十一月追
上今諡號升祔太廟後殿

興祖直皇帝

直皇后氏族無考合葬永陵順治五年十一月追上今諡號升祔
太廟後殿

景祖翼皇帝

翼皇后氏族無考合葬永陵天命九年四月移葬景祖於東京不
及翼皇后未詳其故順治五年十一月追上今諡號升祔太廟後

殿

顯祖宣皇帝

宣皇后喜塔臘氏都督阿古女明嘉靖三十八年生皇長子是為
太祖四十三年生皇三子贈莊親王舒爾哈齊後又生皇四子贈
通達郡王雅爾哈齊及皇女贈和碩公主隆慶二年戊辰卒合葬
永陵天命九年四月移葬顯祖於東京不及宣皇后未詳其故順
治五年十一月追上今諡號升祔太廟後殿

次妃哈達納喇氏哈達萬汗

即明實錄之龍虎將軍海西夷都督王台

所養族人之女

明萬曆十年生皇五子贈篤義剛勇貝勒巴雅喇

庶妃李佳氏古魯禮女明嘉靖四十年生皇二子贈誠毅勇壯貝勒穆爾哈齊

太祖高皇帝

孝慈昭憲敬順仁徽懿德慶顯承天輔聖高皇后葉赫納喇氏名

孟古姐姐爲葉赫貝勒楊吉努即明實錄之北關屬夷仰家奴幼女貝勒納林布

祿即明實錄之金台什即明實錄之之妹也明萬曆三年乙亥生太

祖常如葉赫楊吉努器太祖以后許焉十六年九月納林布祿送

之來歸時年十四少於太祖十六歲二十年十月生皇八子是爲

太宗三十一年癸卯九月二十七日卒年二十九越三載葬赫圖

阿拉之尼雅滿山岡天命九年四月遷葬東京天聰三年二月再

遷瀋陽合葬後稱福陵崇德元年四月追上尊諡曰孝慈昭憲純

德真順承天育聖武皇后順治元年九月升祔太廟康熙元年四

月改上尊諡曰孝慈昭憲敬順慶顯承天輔聖高皇后雍正元年

八月加上仁徽二字乾隆元年三月加上懿德二字卽今諡

追贈旋奪孝烈恭敏獻哲仁和贊天儷聖武皇后烏拉納喇氏名

阿巴亥爲烏拉貝勒滿泰女明萬曆十八年庚寅生二十九年十

一月其叔父貝勒布占泰卽明實錄之卜占台送之來歸時年十二少於太

祖三十一歲越二年孝慈高皇后卒立爲大妃三十三年生皇十

二子原封英親王阿濟格四十年生皇十四子睿忠親王多爾袞

四十二年生皇十五子豫通親王多鐸天命十一年丙寅八月十

一日太祖妣明日大妃以身殉或曰太妃之殉爲太祖遺命諸子

執而逼之乃死年三十有七順治七年八月多爾袞追上諡號如

上升祔太廟八年二月因多爾袞得罪奪諡號廟享

元妃佟佳氏名哈哈納札青爲塔本巴晏女明萬曆六年生皇長

女固倫公主八年生皇長子廣略貝勒褚英十一年生皇二子禮烈視王代善

繼妃富察氏名袞代爲莽塞杜諸祐女初適人生子昂阿拉按昂

天聰九年十二月坐知莽古濟格格逆謀並處死後復歸太祖明萬曆十五年生皇五子

原封貝勒莽古爾泰踰數年生削藉皇三女莽古濟格格二十四年生皇十子原封貝勒德格類天命五年二月以竊藏金帛迫令大歸尋莽古爾泰弑之葬赫圖阿拉九年四月遷葬東京天聰三年二月再遷瀋陽祔葬福陵之旁順治元年二月攝政王多爾袞等以其先嘗得罪太祖改葬之於福陵外

壽康妃博爾濟錦氏科爾沁貝勒後封炳圖郡王孔果爾女明萬曆四十二年乙卯正月來歸順治十七年十月世祖以妃年長行

尊未有名號宜行封典明年十月聖祖尊封為皇曾祖壽康太妃
康熙四年乙巳十二月二十五日卒以妃禮葬福陵之右

側妃伊爾根覺羅氏札親巴晏女明萬曆十五年生皇二女和碩
公主十七年生皇七子饒餘敏親王阿巴泰

側妃葉赫納喇氏孝慈高皇后之妹明萬曆四十年生皇八女和
碩公主

側妃博爾濟錦氏科爾沁貝勒明安女太祖聞其賢往聘之明萬
曆四十年壬子正月來歸順治元年二月祔葬福陵

側妃哈達納喇氏哈達萬汗見前顯祖次妃之女孫貝勒祜爾干即明實錄之都督僉事虎兒罕赤之女也明萬曆十六年戊子四月祜爾干遣子戴善即

實錄之送之來歸

庶妃兆佳氏喇克達女明萬曆十三年生皇三子鎮國勤敏公阿拜

庶妃鈕祜祿氏博克瞻女明萬曆十三年生皇四子鎮國克潔將軍湯古代十七年生皇六子輔國懋厚公塔拜

庶妃嘉穆瑚覺羅氏名真哥爲貝勒渾巴晏女明萬曆二十年生皇九子鎮國恪僖公巴布泰二十三年生皇四女革和碩公主二十四年生皇十一子鎮國將軍巴布海二十五年生皇五女二十八年生皇六女

庶妃西林覺羅氏奮杜里哈斯祜女明萬曆二十九年生皇十三子輔國介直公賴慕布

庶妃伊爾根覺羅氏察弼女明萬曆三十二年生皇七女鄉君品

級

按太祖殂時大妃從殉外仍有二庶妃亦從殉一名阿濟根
一名德因澤今不能詳爲何氏

太宗文皇帝

孝端正敬仁懿哲順慈僖莊敏輔天協聖文皇后博爾濟錦氏科
爾沁貝勒後贈福親王莽古思女明萬曆二十七年庚子四月十
九日生四十二年甲寅四月來歸時年十六天命十年生皇二女
固倫溫莊長公主天聰初稱爲中宮大福晉二年生皇三女固倫
端靖長公主八年生皇八女固倫端貞長公主崇德元年七月晉
稱清寧中宮后八年八月世祖嗣位尊爲皇太后順治元年九月
迎至燕京六年己丑四月十七日崩壽五十有一十七年二月上尊

諡曰孝端正敬仁懿莊敏輔天協聖文皇后旋合葬昭陵升祔太廟雍正元年八月加上尊諡哲順二字乾隆元年三月再加上慈僖二字卽今諡

孝莊仁宣誠憲恭懿至德純徽翊天啓聖文皇后博爾濟錦氏科爾沁貝勒塞桑女台吉後封和碩卓禮克圖親王吳克善之女弟實孝端文皇后之姪女也明萬曆四十一年癸丑二月初八日生天命十年二月來歸時年十三少於太宗二十歲天聰三年生皇四女固倫雍穆長公主六年生皇五女固倫淑慧長公主七年生皇七女固倫端獻長公主崇德元年七月封爲西永福宮莊妃三年正月生皇太子是爲世祖順治元年九月迎至燕京尊爲皇太后八年二月世祖親政上徽號曰昭聖慈壽皇太后八月世祖大

婚禮成加上恭簡二字十年閏六月移居慈寧宮十一年六月再以世祖大婚禮成加上徽號安懿二字十三年十二月世祖因冊封皇貴妃棟鄂氏加上章慶二字至是爲昭聖慈壽恭簡安懿章慶皇太后十八年聖祖嗣位尊爲太皇太后康熙元年十月加上徽號敦惠二字四年九月聖祖大婚禮成加上溫莊二字六年十一月聖祖親政加上康和二字十五年正月因冊立皇太子允礽加上仁宣二字二十年十二月因滇黔蕩平加上弘靖二字至是爲昭聖慈壽恭簡安懿章慶敦惠溫莊康和仁宣弘靖太皇太后二十二年九月聖祖奉之幸五臺山二十六年丁卯十二月二十五日崩壽七十有五明年四月奉移梓宮暫安昌瑞山孝陵之南十月上尊諡曰孝莊仁宣誠憲恭懿翊天啓聖文皇后升祔太廟

雍正元年八月加上尊諡至德二字三年十二月詔於暫安處營葬尊曰昭西陵乾隆元年三月加上尊諡純徽二字卽今諡

敏惠恭和元妃博爾濟錦氏孝莊文皇后之姊也明萬曆三十七年己亥生天聰八年十月其兄台吉吳克善送之來歸時年已二十六歲崇德元年七月封爲東關雎宮宸妃二年七月生皇八子特爲肆赦國中六年辛巳九月十八日卒年三十有三諸王羣臣妻妾俱會喪十月予今諡號八年二月葬瀋陽命親王羣臣皆往祭

懿靖大貴妃博爾濟錦氏後封郡王阿霸垓額齊克諾顏女崇德元年三月生皇十一女七月封爲西麟趾宮貴妃六年生皇十一子襄昭親王博穆博果爾別有養女名淑濟

崇德八年七月嫁德參濟王子噶爾瑪

順治九年十月世祖尊封爲皇考懿靖大貴妃康熙十三年甲寅十一月二十日卒喪儀視康惠淑妃例

康惠淑妃博爾濟錦氏阿霸垓博第塞楚祜爾塔布囊女崇德元年七月封爲東衍慶宮淑妃有所撫蒙古女一崇德五年正月賜婚於多爾袞順

治九年十月世祖尊封爲皇考康惠淑妃先懿靖大貴妃卒

按天聰八年八月太宗旣滅察哈爾納故林丹汗妻竇土門

福晉明年七月又納其囊囊大福晉此懿靖康惠二妃俱撫

有蒙古女所嫁又皆貴壻疑二妃卽林丹汗兩福晉也

元妃鈕祜祿氏巴圖魯贈宏毅公額亦都女明萬曆三十九年生

皇三子格博會

繼妃烏拉納喇氏貝勒博克鐸女竇太祖大妃之從姑也明萬曆

三十七年生皇長子肅武親王豪格三十九年生皇二子洛格天命六年生皇長女固倫公主

側妃葉赫納喇氏貝勒阿納布女天聰二年生皇五子承澤裕親王碩塞

側妃札魯特博爾濟錦氏巴雅爾圖戴青女太宗聞其賢聘之天聰六年二月來歸號爲東宮福晉七年生皇六女固倫公主九年生皇九女

庶妃納喇氏英格布女天聰九年生皇十女縣君崇德元年生皇十三女二年生皇六子鎮國愨厚公高塞

庶妃奇壘氏察哈爾誇勒濟圖固英塞桑女崇德六年生皇十四女和碩恪純長公主

庶妃顏札氏布顏女天聰元年生皇四子輔國公葉布舒

庶妃伊爾根覺羅氏安塔錫女崇德二年生皇七子輔國公品級常舒

庶妃氏族未詳拜祜女崇德四年生皇十子輔國公韜塞

庶妃氏族未詳崇德二年生皇十二女鄉君品級

按實錄順治二年六月皇太妃薨未著何氏未知為太祖妃太宗妃也

世祖章皇帝

廢皇后博爾濟錦氏科爾沁卓禮克圖親王吳克善之女太宗孝莊文皇后親姪女也初攝政王多爾袞為帝納聘順治八年正月吳克善送女京師八月立為皇后后年未詳時世祖年十四歲十年八月詔以

冊立三載志意不協廢爲靜妃改居側宮

孝惠仁憲端懿慈淑恭安純德順天翊聖章皇后博爾濟錦氏科爾沁鎮國公後封貝勒綽爾濟女實世祖廢皇后從姪女也崇德六年辛巳十月初三日生順治十年八月前皇后廢十一年五月行納聘禮六月立爲皇后時年十四少於世祖三歲十五年正月以奉侍皇太后疾不勤詔停其中宮箋奏三月復初十八年聖祖嗣位尊爲皇太后居慈仁宮康熙元年十月上徽號曰仁憲皇太后后四年九月聖祖大婚禮成加上恪順二字六年十一月聖祖親政加上誠惠二字十五年正月因冊立皇太子加上純淑二字二十年十二月因滇黔蕩平加上端禧二字至是爲仁憲恪順誠惠純淑端禧皇太后二十八年十二月移居寧壽宮三十八年二月

聖祖奉之南巡五十六年丁酉十二月初六日崩壽七十有七明年三月上尊諡曰孝惠仁憲端懿純德順天翊聖章皇后四月葬孝陵之東十二月升祔太廟明年二月尊其陵曰孝東陵雍正元年八月加上尊諡慈淑二字乾隆元年三月加上恭安二字卽今諡

孝康慈和莊懿恭惠溫穆端靖崇文育聖章皇后佟氏

後稱爲贈佟佳氏

少保都統一等承恩公佟圖賴之女崇德五年庚辰生初入宮冊爲妃順治十一年三月生皇三子是爲聖祖時年十五及聖祖嗣位康熙元年十月上徽號曰慈和皇太后二年癸卯二月十一日崩壽二十有四五月上尊諡曰孝康慈和莊懿恭惠崇天育聖皇后六月合葬孝陵九年五月升祔太廟於尊諡上加稱章皇后雍

正元年八月加上溫穆二字乾隆元年三月加上端靖二字卽今
諡

贈孝獻莊和至德宣仁溫惠端敬皇后棟鄂氏一等子內大臣後
晉三等伯鄂碩之女年十八入宮順治十三年八月冊爲賢妃十
二月晉皇貴妃明年十月生皇四子贈榮親王十七年庚子八月
十九日卒年二十餘追贈今諡號康熙二年六月合葬孝陵

恭靖妃浩齊特博爾濟錦氏鄂爾特尼郡王博羅特女爲世祖妃
康熙十二年十二月聖祖尊封爲皇考恭靖妃二十八年己巳四
月初二日卒

淑惠妃科爾沁博爾濟錦氏孝惠章皇后之妹順治十一年五月
冊爲妃康熙十二年十二月聖祖尊封爲皇考淑惠妃五十二年

齊通志卷之二
癸巳十月三十日卒年七十餘

端順妃阿霸垓博爾濟錦氏一等台吉布達希女爲世祖妃康熙十二年十二月聖祖尊封爲皇考端順妃四十八年己丑六月二十六日卒

寧愨妃棟鄂氏長史喀濟海女爲世祖庶妃順治十年生皇二子裕憲親王福全康熙十二年十二月聖祖尊封爲皇考寧愨妃三十三年甲戌六月二十一日卒

贈貞妃棟鄂氏輕車都尉巴度女順治時入侍宮中十八年辛丑正月初七日以身殉世祖死二月聖祖追封爲皇考貞妃

贈恪妃石氏吏部左侍郎石申女初世祖稽古制選漢官女備六宮妃與焉賜居永壽宮冠服用漢式康熙六年丁未十一月三十

日卒聖祖追封爲皇考恪妃

贈悼妃博爾濟錦氏科爾沁達爾漢親王曼珠習禮之女孝惠章
皇后之姑也待年宮中順治十五年戊戌三月十五日卒追封爲
悼妃

庶妃穆克圖氏雲騎尉伍喀女順治十七年生皇八子永幹

庶妃巴氏順治八年生皇長子鈕鈕十年生皇三女十一年生皇
五女

庶妃陳氏順治九年生皇長女十四年生皇五子恭親王常寧

庶妃唐氏順治十六年生皇六子奇授

庶妃鈕氏順治十七年生皇七子純靖親王隆禧

庶妃楊氏順治十年生皇二女和碩恭愍長公主

庶妃烏蘇氏順治十一年生皇四女

庶妃納喇氏順治十四年生皇六女

聖祖仁皇帝

孝誠恭肅正惠安和淑懿恪敏儷天襄聖仁皇后赫舍哩氏輔政大臣一等公索尼之女孫領侍衛內大臣一等公噶布喇之女也順治十年癸巳十二月十七日生康熙四年七月行納聘禮九月立爲皇后時年十三長聖祖一歲八年生皇子承祜十三年甲寅五月初三日生皇二子理密親王允禔卽廢太子旋於是日申刻崩壽二十有二六月諡曰仁孝皇后二十年三月葬孝東陵之東卽景陵雍正元年四月改上尊諡曰孝誠皇后九月加上尊諡曰孝誠恭肅正惠安和儷天襄聖仁皇后升祔太廟乾隆元年三月

加上尊諡淑懿二字嘉慶四年五月加上恪敏二字卽今諡

孝昭靜淑明惠正和安裕端穆欽天順聖仁皇后鈕祜祿氏太師果毅公前輔政大臣遏必隆女初冊爲妃康熙十六年八月立爲皇后十七年戊午二月二十六日崩閏三月諡曰孝昭皇后二十一年三月葬孝東陵之東卽景陵雍正元年九月加上尊諡曰孝昭靜淑明惠正和欽天順聖仁皇后升祔太廟乾隆元年三月加上尊諡安裕二字嘉慶四年五月加上端穆二字卽今諡

孝懿溫誠端仁憲穆和恪慈惠奉天佐聖仁皇后佟氏

後稱爲領
佟佳氏

侍衛內大臣承恩公國舅佟國維女世祖孝康章皇后親姪女也康熙十六年八月冊爲貴妃二十年十二月晉皇貴妃二十二年生皇八女二十八年己巳七月初九日立爲皇后時已病亟翼日

崩九月諡曰孝懿皇后十月葬孝東陵之東卽景陵雍正元年九月加上尊諡曰孝懿溫誠端仁憲穆奉天佐聖仁皇后升祔太廟乾隆元年三月加上尊諡和恪二字嘉慶四年五月加上慈惠二字卽今諡

孝恭宣惠溫肅定裕慈純欽穆贊天承聖仁皇后烏雅氏原任護軍參領加封一等公威武之女順治十七年庚子生被選入宮康熙十七年十月生皇四子是爲世宗時年十九明年十月冊爲德嬪十九年生皇六子允祚二十年十二月晉德妃二十一年生皇七女二十二年生皇九女固倫溫憲公主二十五年生皇十二女二十七年生皇十四子恂勤郡王允禩六十一年十一月世宗嗣位擬上徽號曰仁壽皇太后未及舉行冊尊典禮雍正元年癸卯

五月二十三日崩壽六十有四八月上尊諡曰孝恭宣惠溫肅定裕贊天承聖仁皇后九月合葬景陵升祔太廟乾隆元年三月加上尊諡慈純二字嘉慶四年五月加上欽穆二字卽今諡

懋惠皇貴妃佟氏

後稱爲佟佳氏

孝懿仁皇后之妹康熙七年戊申八月

生三十九年十二月冊爲貴妃雍正二年六月世宗晉尊爲皇考皇貴妃乾隆元年十一月高宗晉尊爲皇祖壽祺皇貴太妃八年癸亥四月初一日卒年七十有六五月諡曰懋惠皇貴妃尋葬景陵東稱景陵皇貴妃園寢增置看守員役

惇怡皇貴妃瓜爾佳氏三品協領裕滿女康熙二十二年癸亥十月生三十九年十二月冊爲和嬪四十年生皇十八女五十七年十二月晉和妃雍正二年六月世宗晉尊爲皇考貴妃乾隆元年

十一月高宗晉尊爲皇祖溫惠貴太妃八年十一月再晉尊爲溫
惠皇貴太妃三十三年戊子三月十四日卒於寧壽宮年八十有
六五月諡曰惇怡皇貴妃葬景陵皇貴妃園寢

贈敬敏皇貴妃章佳氏參領海寬女初封爲妃康熙二十五年生
皇十三子怡賢親王允祥二十六年生皇十三女和碩溫恪公主
三十年生皇十五女和碩敦恪公主三十八年己卯七月二十五
日卒閏七月諡曰敏妃雍正元年六月世宗追晉爲皇考敬敏皇
貴妃九月祔葬景陵

溫僖貴妃鈕祜祿氏孝昭仁皇后之妹康熙二十年十二月冊爲
貴妃二十二年生皇十子貝子品級允祹二十四年生皇十一女
三十三年甲戌十一月初三日卒諡曰溫僖貴妃

順懿密妃王氏知縣王國正女康熙二十餘年入侍宮中三十二年生皇十五子愉恪郡王允禩三十四年生皇十六子莊恪親王允祿四十年生皇十八子允祜五十七年十二月冊爲密嬪雍正二年六月世宗晉尊爲皇考密妃乾隆元年十一月高宗晉尊爲皇祖順懿密太妃九年甲子四月十八日卒年七十餘

純裕勤妃陳氏二等侍衛雲麾使陳希敏女康熙三十六年生皇十七子果毅親王允禮五十七年十二月冊爲勤嬪雍正四年二月世宗晉尊爲皇考勤妃乾隆元年十一月高宗晉尊爲皇祖純裕勤太妃十八年癸酉十二月二十日卒

惠妃納喇氏郎中索爾和女康熙九年生皇子承慶十一年生皇長子貝子品級允禔十六年八月冊爲惠嬪二十年十二月晉惠

妃雍正十年壬子四月初七日卒

宜妃郭囉羅氏佐領三官保女康熙十六年八月冊爲宜嬪十八年生皇五子恆溫親王允祺二十年十二月晉宜妃二十二年生皇九子原封貝子允糖二十四年生皇十一子允祘雍正十一年癸丑八月二十五日卒

榮妃馬佳氏員外郎蓋山女康熙六年生皇子承瑞十年生皇子賽音察渾十二年生皇三女固倫榮憲公主十三年生皇子長華十四年生皇子長生十六年二月生皇三子誠隱郡王允祉八月冊爲榮嬪二十年十二月晉榮妃雍正五年丁未閏三月初六日卒

宣妃博爾濟錦氏科爾沁達爾漢親王和塔女世祖贈悼妃之姪

女也康熙五十七年十二月冊爲宣妃乾隆元年丙辰八月初八日卒

成妃戴佳氏亦作達氏司庫卓奇女康熙十九年生皇七子淳度親

王允祐五十七年十二月冊爲成妃乾隆五年庚申十月三十日卒

良妃衛氏內管領阿布鼐女本辛者庫罪籍入侍宮中康熙二十一年生皇八子原封廉親王允禩三十九年十二月冊爲良嬪後晉良妃五十年辛卯十一月二十日卒

定妃萬琉哈氏亦作瓦郎中拖爾弼女康熙十年辛亥正月生二

十四年生皇十二子履懿親王允禔五十七年十二月冊爲定嬪雍正二年六月世宗晉尊爲皇考定妃就養允禔藩邸乾隆二十

二年丁丑四月初七日卒年九十七歲

贈平妃赫舍哩氏孝誠仁皇后之妹康熙三十年生皇子允禩三十五年丙子六月二十日卒追封爲平妃

贈慧妃博爾濟錦氏科爾沁三等台吉阿郁錫女待年宮中康熙九年庚戌四月十二日卒尋追封爲慧妃

安嬪李氏總兵官剛阿岱女康熙十六年八月冊爲安嬪

敬嬪章佳氏據聖祖御集當爲王佳氏護軍參領華善女康熙十六年八月冊

爲敬嬪

端嬪董氏員外郎董達齊女康熙十年生皇二女十六年八月冊爲端嬪

僖嬪赫舍哩氏賚山女康熙十六年八月冊爲僖嬪四十一年壬

午九月卒

通嬪納喇氏監生常素代女初賜號貴人康熙十四年生皇子萬
黼十八年生皇子允禛二十四年生皇十女固倫純愍公主雍正
二年六月世宗晉尊爲皇考通嬪乾隆九年甲子六月二十三日
卒

襄嬪高氏高廷秀女初爲庶妃康熙四十一年生皇十九子允禩
四十二年生皇十九女四十五年生皇二十子簡靜貝勒允禵六
十一年十二月世宗晉尊爲皇考貴人乾隆元年十二月高宗晉
尊爲皇祖襄嬪十一年丙寅六月二十八日卒

謹嬪色赫圖氏員外郎多爾濟女初爲庶妃康熙五十二年生皇
二十二子恭勤貝勒允祜六十一年十二月世宗晉尊爲皇考貴

人乾隆元年十二月高宗晉尊爲皇祖謹嬪四年己未三月十六日卒

靜嬪石氏石懷玉女初爲庶妃康熙五十二年生皇二十三子鎮國公允祁六十一年十二月世宗晉尊爲皇考貴人乾隆元年十二月高宗晉尊爲皇祖靜嬪二十三年戊寅六月初六日卒

熙嬪陳氏陳玉卿女初爲庶妃康熙五十年生皇二十一子慎靖郡王允禧六十一年十二月世宗晉尊爲皇考貴人乾隆元年十二月高宗晉尊爲皇祖熙嬪明年丁巳正月初二日卒

贈穆嬪陳氏陳岐山女初爲庶妃康熙五十五年生皇二十四子誠親王允祕六十一年十二月世宗晉尊爲皇考貴人雍正中卒乾隆元年十二月高宗追尊爲皇祖穆嬪

貴人兆佳氏參領塞克塞赫女康熙十三年生皇五女和碩端靜公主

貴人郭囉羅氏宜妃之妹康熙十八年生皇六女固倫恪靖公主
二十二年生皇子允禩

貴人袁氏康熙二十八年生皇十四女和碩懋靖公主

貴人納喇氏那丹珠女

貴人陳氏陳秀女康熙五十二年生皇子允禩

貴人納喇氏驍騎校昭格女

貴人易氏雍正六年戊申卒

庶妃鈕祜祿氏員外郎晉寶女康熙四十七年生皇二十女

庶妃張氏康熙七年生皇長女十三年生皇四女

庶妃王氏康熙三十四年生皇十六女

庶妃劉氏康熙三十七年生皇十七女

世宗憲皇帝

孝敬恭和懿順昭惠莊肅安康佐天翊聖憲皇后烏拉納喇氏管

步軍統領事內大臣贈承恩公費揚古女康熙時世宗居皇子位

奉聖祖賜冊以后為皇子嫡妃三十六年生皇長子贈端親王弘

暉世宗登極雍正元年十二月立為皇后九年辛亥九月二十九

日崩壽五十餘世宗諭旨云垂髻之年作配朕躬結縭以來四十餘載始康熙二十八年來嬪壽據此推得之又

按生年未詳生日十二月諡曰孝敬皇后十三年高宗嗣位十一

月加上尊諡曰孝敬恭和懿順昭惠佐天翊聖憲皇后升祔太廟

乾隆二年三月合葬泰陵嘉慶四年五月加上尊諡莊肅二字二

十五年十二月加上安康二字卽今諡

孝聖慈宣康惠敦和誠徽仁穆敬天光聖憲皇后鈕祜祿氏爲巴圖魯贈弘毅公額亦都會孫女四品典儀追封一等承恩公凌柱女康熙三十一年壬申十一月二十五日生四十三年年十三賜侍世宗藩邸爲格格五十年八月生皇四子是爲高宗世宗登極雍正元年十二月冊封熹妃後晉熹貴妃十三年九月高宗嗣位遵世宗遺命尊爲皇太后十二月上徽號曰崇慶皇太后乾隆元年七月移居慈寧宮二年十二月因冊立皇后加上徽號慈宣二字十一年九月高宗奉之幸五臺山十三年二月高宗奉之東巡十四年四月因冊立攝六宮事皇貴妃兼以平定金川加上徽號康惠二字十五年二月高宗奉之幸五臺山八月因冊立皇貴妃

爲皇后加上徽號敦和二字旋高宗奉之幸中州十六年正月高宗奉之南巡十一月六旬慈慶加上徽號裕壽二字二十年六月因平定準噶爾加上純禧二字二十二年正月高宗奉之南巡二十六年二月高宗奉之幸五臺山十一月七旬慈慶加上徽號恭懿二字二十七年正月及三十年正月高宗均奉之南巡三十六年二月高宗奉之東巡十一月八旬慈慶加上徽號安祺二字四十二年二月高宗奉之東巡五月因平定金川加上徽號寧豫二字至是爲崇慶慈宣康惠敦和裕壽純禧恭懿安祺寧豫太后四十二年丁酉正月二十三日崩於圓明園之長春仙館壽八十八有六三月上尊諡曰孝聖慈宣康惠敦和敬天光聖憲皇后四月葬泰陵東北曰泰東陵五月升祔太廟嘉慶四年五月加上尊諡

誠徽二字二十五年十二月加上仁穆二字卽今諡

敦肅皇貴妃年氏湖北巡撫後加太傅一等公年遐齡之女原授一等公撫遠大將軍川陝總督年羹堯之女弟也爲世宗藩邸側妃康熙五十四年生皇四女五十九年生皇子福宜六十年生皇子贈懷親王福惠雍正元年五月生皇子福沛十二月冊封貴妃三年乙巳十一月病亟晉皇貴妃旋於是月二十三日卒十二月諡曰敦肅皇貴妃乾隆二年三月從葬泰陵

純懿皇貴康耿氏管領耿德金女康熙二十八年己巳十一月生初入侍世宗藩邸爲格格五十年生皇五子和恭親王弘晝世宗登極雍正元年十二月冊封裕嬪後晉裕妃乾隆二年九月高宗晉尊爲皇考裕貴妃四十三年十月以年屆九旬晉尊爲裕皇貴

太妃四十九年甲辰十二月十七日卒年九十有六明年二月諡曰純懿皇貴妃尋葬妃園寢位列諸妃之上

齊妃李氏知府李文燁女初爲世宗藩邸側妃康熙三十四年生皇二女和碩懷恪公主三十六年生皇子弘昉三十九年生皇子弘昀四十三年生皇三子弘時世宗登極雍正元年十二月冊封齊妃乾隆二年丁巳四月初七日卒

謙妃劉氏管領劉滿女康熙五十三年甲午生初入宮賜號貴人雍正十一年六月生皇六子果毅郡王弘瞻冊封謙嬪乾隆二年九月高宗晉尊爲皇考謙妃三十一年丁亥五月二十一日卒年五十四

贈寧妃武氏知州武柱國女雍正十二年甲寅五月二十四日卒

追封爲寧妃

懋嬪宋氏主事金柱女初入侍世宗藩邸爲格格康熙三十三年生皇長女四十五年生皇三女世宗登極雍正元年十二月冊封懋嬪八年庚戌卒

貴人李氏乾隆二十五年庚辰卒

高宗純皇帝

孝賢誠正敦穆仁惠徽恭康順輔天昌聖純皇后富察氏承恩公察哈爾總管李榮保女藍翎侍衛洵陞太保大學士傅恆之女兒也康熙五十一年壬辰二月二十二日生高宗居皇子位雍正五年七月奉世宗賜冊以後爲皇子嫡妃時年十六六年生皇長女八年生皇二子贈端慧皇太子永璉九年生皇三女固倫和敬公

主高宗登極乾隆二年十二月立爲皇后十一年生皇七子贈哲親王永琮十三年戊辰正月隨駕東巡三月十一日崩於德州舟次壽三十有七旋特旨賜諡曰孝賢皇后十七年十月葬昌瑞山孝陵之西勝水峪卽裕陵嘉慶四年九月加上尊諡曰孝賢誠正敦穆仁惠輔天昌聖純皇后升祔太廟二十五年十二月加上尊諡徽恭二字道光三十年四月加上康順二字卽今諡

追降皇后烏拉納喇氏贈一等承恩公佐領那爾布之女

生於二月未詳

何雍正時爲高宗藩邸側福晉乾隆二年十二月冊封嬪妃十年十一月晉嬪貴妃十四年四月晉皇貴妃攝六宮事十五年八月立爲皇后旋隨駕巡幸中州十七年生皇十二子贈貝勒永璿十八年生皇五女二十年生皇十三子永璟三十年正月隨駕東巡

以故自行翦髮忤上旨三十一年丙戌七月十四日崩詔以皇貴妃禮葬

贈孝儀恭順康裕慈仁端恪敏哲翼天毓聖純皇后魏氏嘉慶二十三年

正月命玉牒內內管領加封承恩公清泰之女生於雍正五年丁未乾隆十年入宮充貴人十一月冊封令嬪十四年四月晉令妃

二十一年生皇七女固倫和靜公主二十二年生皇十四子永璿

二十三年生皇九女和碩和恪公主二十四年十二月晉令貴妃

二十五年十月生皇十五子是爲仁宗二十七年生皇十六子三

十年六月晉令皇貴妃三十一年生皇十七子慶僖親王永璘四

十年乙未正月二十九日卒壽四十有九二月諡曰令懿皇貴妃

十月葬勝水峪卽裕陵六十年十月以仁宗立爲皇太子將受內

釋特冊贈為孝儀皇后嘉慶四年九月仁宗加上尊諡曰孝儀恭
順康裕慈仁翼天毓聖純皇后升祔太廟二十五年十二月加上
尊諡端恪二字道光三十年四月加上敏哲二字即今諡

純惠皇貴妃蘇氏亦稱蘇佳氏蘇召南女雍正時入侍高宗藩邸十三

年生皇三子贈循郡王永璋高宗登極賜號純嬪乾隆二年十二
月冊晉純妃八年生皇六子質莊親王永瑤十年生皇四女和碩

和嘉公主十年十一月晉純貴妃二十五年庚辰四月晉純皇貴
妃旋於是月十九日卒五月諡曰純惠皇貴妃葬裕陵旁稱曰純

惠皇貴妃園寢

贈慧賢皇貴妃高氏嘉慶二十三年正月命河道總督游陞大學士高斌女雍正間被選為高宗潛邸側福晉乾隆二年十二月冊

士高斌女雍正間被選為高宗潛邸側福晉乾隆二年十二月冊

封貴妃十年乙丑正月二十六日卒追晉爲皇貴妃四月諡曰慧賢皇貴妃十七年十月祔葬勝水峪卽裕陵

贈慶恭皇貴妃陸氏陸士隆女初賜號爲貴人乾隆十六年六月冊封慶嬪二十四年十二月晉慶妃三十三年十月晉慶貴妃三十九年甲午七月十五日卒嘉慶四年正月仁宗以常受撫育恩追晉爲慶恭皇貴妃

贈哲憫皇貴妃富察氏佐領翁果圖女初入侍高宗藩邸雍正六年生皇長子定安親王永璜九年生皇二女十三年乙卯卒乾隆元年十月追封爲哲妃十年正月追晉爲皇貴妃四月諡曰哲憫皇貴妃十七年十月祔葬勝水峪卽裕陵

贈淑嘉皇貴妃金氏嘉慶二十三年正月命上駟院卿三保女累玉牒內改書爲金佳氏

官吏部尚書簡女弟也初賜號貴人乾隆二年十二月冊封嘉嬪
四年生皇四子履端郡王永城六年十一月晉嘉妃十一年生皇
八子儀慎親王永璇十三年生皇九子十四年四月晉嘉貴妃十
七年生皇十一子成哲親王永理二十年乙亥十一月十五日卒
追晉爲皇貴妃諡曰淑嘉皇貴妃二十二年十一月祔葬勝水峪
卽裕陵

穎貴妃巴林氏都統兼輕車都尉納親女生於雍正九年辛亥二
月初入宮賜號貴人乾隆十六年六月冊封穎嬪二十四年十二
月晉穎妃嘉慶三年十月仁宗奉太上皇帝勅旨晉尊爲穎貴妃
稱爲穎貴太妃居壽康宮五年庚申二月十九日卒年七十
婉貴妃陳氏陳廷璋女生於康熙五十五年丙申雍正時賜侍高

宗藩邸乾隆初賜號貴人十四年四月冊封婉嬪五十九年十二月晉婉妃嘉慶六年於壽康宮位次居首四月仁宗晉尊爲皇考貴婉太妃十二年丁卯二月初二日卒年九十有二

贈忻貴妃戴佳氏總督那蘇圖女乾隆十九年閏四月冊封忻嬪二十年生皇六女二十二年生皇八女二十八年九月晉忻妃二十九年甲申四月二十八日卒以貴妃禮葬

贈愉貴妃珂里葉特氏

亦作海佳氏或海氏

員外郎額爾吉圖女生於康熙

五十三年甲午雍正時入侍高宗藩邸乾隆初賜號爲貴人六年二月生皇五子榮純親王永琪十一月冊封愉嬪十年十一月晉愉妃五十七年壬子五月二十一日卒年七十有九以貴妃禮葬贈循貴妃伊爾根覺羅氏總督桂林女初賜號爲貴人乾隆四十

一年十一月詔封循嬪明年正月遇崇慶皇太后喪未行冊封禮
四十四年十月補行五十九年十二月晉循妃嘉慶二年丁巳十
一月二十四日卒以貴妃禮葬

舒妃葉赫納喇氏侍郎永綬女生於雍正六年戊申乾隆六年年
十四被選入宮賜號爲貴人十一月冊封舒嬪十四年四月晉舒
妃十六年生皇十子四十二年丁酉五月三十日卒年五十

豫妃博爾濟錦氏寨桑根敦女初賜號爲貴人乾隆二十四年十
二月冊封豫嬪二十九年七月晉豫妃三十八年十二月二十日
卒

容妃和卓氏台吉和札麥女初入宮賜號爲貴人乾隆二十七年
五月以克襄內職冊封容嬪三十三年十月晉容妃五十三年戊

申四月十九日卒

惇妃汪氏都統四格女初入宮賜號爲永貴人乾隆三十六年十一月冊封惇嬪三十九年十一月晉惇妃四十年生皇十女固倫和孝公主四十三年十一月因擅殺宮婢仍降惇嬪後復晉封惇妃嘉慶十一年丙寅正月十七日卒

順妃鈕祜祿氏總督愛必達女初入宮賜號爲貴人乾隆三十三年十月冊封順嬪四十一年六月詔晉順妃明年正月遇崇慶皇太后喪未行冊封禮四十四年十月補行五十九年以前卒

芳妃陳氏亦作陳佳氏陳廷倫女初入宮賜號爲貴人乾隆五十九年

十二月冊封芳嬪嘉慶三年十月仁宗奉太上皇帝勅旨晉尊爲芳妃六年辛酉八月三十日卒

晉妃富察氏主事德克精額女乾隆時賜號爲貴人嘉慶二十五年十二月宣宗晉尊爲皇祖晉妃再晉稱晉太妃道光二年壬午十二月初八日卒

怡嬪柏氏

亦作柏佳氏

柏士彩女乾隆初賜號爲貴人六年十一月冊

封怡嬪二十二年丁丑卒

慎嬪拜爾噶斯氏德穆齊賽音察克女初入宮賜號爲貴人乾隆二十七年五月以克襄內職冊封慎嬪五十九年甲寅卒

誠嬪鈕祜祿氏二等侍衛兼佐領穆克登女初入宮賜號爲貴人乾隆四十一年十一月詔封誠嬪四十二年正月遇崇慶皇太后喪未行冊封禮四十四年十月補行五十九年以前卒

按乾隆五十九年八月上諭現在宮闈止有二妃二嬪二妃

當爲穎妃惇妃二嬪當爲婉嬪循嬪故知順妃與誠嬪之卒必在是年以前矣

恭嬪林氏

亦作林佳氏

拜唐阿佛△女初充常在乾隆十六年六月賜

號爲貴人五十九年十二月冊封恭嬪嘉慶十年十一月二十七日卒年七十餘

贈儀嬪黃氏雍正時爲高宗藩邸格格乾隆元年丙辰九月卒追封爲儀嬪

贈恂嬪霍碩特氏

亦作郭氏

台吉烏巴什女初入宮賜號爲貴人乾隆

二十六年八月扈從木蘭卒於行在追封爲恂嬪

按高宗實錄乾隆二十六年十二月上諭奉皇太后懿旨貴人拜爾噶斯氏霍卓氏克勤內職俱封爲嬪二十七年五月

命兆惠爲正使封拜爾噶斯氏爲慎嬪阿里袞爲正使封霍卓氏爲容嬪俱有冊文附見實錄而皇朝文獻通考容妃和卓氏詮序無誤拜爾噶斯氏則云二十七年五月封恂嬪而二十七年五月封慎嬪者則以霍碩特氏當之不知霍碩特氏卽實錄二十六年八月追封爲嬪之郭貴人也一誤以拜爾噶斯氏爲恂嬪也二誤宗人府玉牒亦沿斯謬旣已死受生封且復甲冠乙號當時編纂諸臣輕率荒陋殊堪嘆異茲爲參綜核訂如吾譜或云追封爲嬪之郭貴人安知其爲霍碩特氏之恂嬪也曰李兆洛所輯皇清文典有追封恂嬪之冊文在

瑞貴人索綽絡氏禮部尙書德保女乾隆時卒

鄂貴人西林覺羅氏巡撫鄂樂舜女初充常在乾隆五十九年十二月賜號爲鄂貴人嘉慶時仁宗尊爲鄂太貴人十三年戊辰四月二十五日卒

壽貴人柏氏初充常在乾隆五十九年十二月賜號爲壽貴人嘉慶時仁宗尊爲壽太貴人十四年己巳二月二十一日卒

仁宗睿皇帝

孝淑端和仁莊慈懿敦恪昭肅光天佑聖睿皇后喜塔臘氏原任總管內務府大臣副都統追封承恩公和爾經額之女仁宗居皇子位乾隆三十九年奉高宗賜冊以后爲皇子嫡福晉四十五年生皇二女四十七年八月生皇二子是爲宣宗四十九年生皇四女莊靜固倫公主嘉慶元年正月仁宗受禪立爲皇后二年丁巳

清聖宗三十四年二月
二月初七日崩五月諡曰孝淑皇后八年十月葬太平峪卽昌陵
道光元年三月加上尊諡曰孝淑端和仁莊慈懿光天佑聖睿皇
后升祔太廟三十年四月加上尊諡敦裕二字咸豐十一年十月
加上昭肅二字卽今諡

孝和恭慈康豫安成欽順仁正應天熙聖睿皇后鈕祜祿氏禮部
尙書三等承恩公恭阿拉之女乾隆四十一年丙申十月初十日
生曾奉高宗賜冊爲仁宗潛邸側福晉五十八年生皇七女六十
年生皇三子惇恪親王綿愷嘉慶元年正月仁宗登極冊封貴妃
時年二十一少於仁宗十六歲二年五月太上皇帝勅諭以后繼
位中宮先封爲皇貴妃十月行冊封皇貴禮妃六年四月立爲皇
后十年生皇四子瑞懷親王綿忻二十五年八月宣宗嗣位尊爲

皇太后居壽康宮十二月上徽號曰恭慈皇太后道光二年十一月因冊立皇后加上康豫二字八年十一月因平定回疆加上安成二字十四年十月因冊立攝六宮事皇貴妃加上莊惠二字十五年十月六旬慈慶加上壽禧二字二十五年十月七旬慈慶加上崇祺二字至是爲恭慈康豫安成莊惠壽禧崇祺皇太后二十九年巳酉十二月十一日崩壽七十有四三十年三月上尊諡曰孝和恭慈康豫安成應天熙聖睿皇后升祔太廟九月加上尊諡欽順二字咸豐三年二月葬昌陵之西尊曰昌西陵十一年十月加上尊諡仁正二字卽今諡

恭順皇貴妃鈕祜祿氏主事善慶女生於乾隆五十二年丁未嘉慶初被選入宮賜號爲如貴人十年二月生皇八女五月冊封如

嬪十五年九月晉如妃十六年生皇九女贈慧愍固倫公主十九
年生皇五子惠端親王綿愉二十五年十二月宣宗晉尊爲皇考
如貴妃道光二十六年十二月晉尊爲如皇貴妃居壽安宮三十
年正月文宗晉尊爲皇祖如皇貴太妃咸豐元年三月行冊尊禮
十年庚申閏三月初三日卒年七十有四諡曰恭順皇貴妃

和裕皇貴妃劉佳氏拜唐阿劉福明女乾隆時入侍仁宗藩邸四
十四年生皇長子贈穆郡王四十六年生皇三女莊敬固倫公主
嘉慶元年正月冊封誠妃十三年十一月晉誠貴妃二十五年十
二月宣宗晉尊爲皇考誠禧皇貴妃道光十三年癸巳十二月十
八日卒諡曰和裕皇貴妃

莊妃王氏

亦作王佳氏

文舉人伊里布女初賜號爲春貴人嘉慶六年

四月改其號冊封吉嬪十三年十一月再改其號晉封莊妃十六年辛未二月十五日卒

信妃劉佳氏將軍本志女初賜號為信貴人嘉慶十三年十一月冊封信嬪二十五年十二月宣宗晉尊為皇考信妃道光二年壬午十月十三日卒

華妃侯氏亦作侯佳氏上駟院卿討住女入侍仁宗藩邸乾隆五十四年生皇六女嘉慶元年正月冊封瑩嬪六年四月改其號晉封華妃九年甲子六月二十八日卒

贈恕妃完顏氏輕車都尉哈豐阿女乾隆時入侍仁宗潛邸卒嘉慶二年四月追封為恕妃八年移葬妃園寢

淳嬪董氏亦作董佳氏委署庫長時泰女嘉慶初賜號為淳貴人六年

壽皇太后普崇二后妃

三

四月冊封淳嬪二十四年己卯十月十三日卒

恩嬪烏雅氏左副都御史萬明女嘉慶時賜號為恩貴人二十五年十二月宣宗尊封為皇考恩嬪道光二十六年丙午十二月初十日卒

榮嬪梁氏員外郎光保女嘉慶時賜號為榮貴人二十五年十二月宣宗尊封為皇考榮嬪道光六年丙戌五月初十日卒

安嬪蘇完尼瓜爾佳氏公安英女嘉慶時充常在二十五年十二月宣宗尊封為皇考安嬪道光十七年丁酉六月二十七日卒

贈簡嬪關氏亦作關佳氏拜唐阿德成女乾隆時為仁宗潛邸格格四十五年生皇長女卒嘉慶二年四月追封為簡嬪

贈遜嬪沈氏亦作沈佳氏內務府大臣職銜永和女乾隆時為仁宗潛

邱格格五十一年生皇五女贈慧安和碩公主尋卒嘉慶二年四月追封爲遜嬪

芸貴人嘉慶十年乙丑七月卒

宣宗成皇帝

贈孝穆溫厚莊肅端誠恪惠寬欽孚天裕聖成皇后鈕祜祿氏世襲一等子戶部尚書贈三等公布彥達賚之女宣宗居皇子位嘉慶元年十一月奉仁宗賜冊以後爲皇子嫡妃時宣宗年十五歲十三年戊辰正月二十一日卒暫安王佐村園寢二十五年宣宗登極九月追封爲皇后道光元年六月冊諡曰孝穆皇后七年九月自殯宮移葬寶華峪尋以地宮浸水十五年十二月移葬龍泉峪卽慕陵三十年文宗嗣位九月加上尊諡曰孝穆溫厚莊肅端

誠孚天裕聖成皇后咸豐二年三月升祔太廟十一年十月加上尊諡恪惠二字光緒元年六月加上寬欽二字卽今諡

孝慎敏肅哲順和懿誠惠敦恪熙天詒聖成皇后佟佳氏世襲三等承恩公追封一等公舒明阿之女生於五月未詳何年宣宗居皇子位嘉

慶十三年正月嫡妃贈孝穆皇后卒十二月奉仁宗賜冊以后爲皇子繼妃十八年生皇長女贈端悃固倫公主宣宗登極道光二年十一月立爲皇后十三年癸巳四月二十九日崩七月諡曰孝慎皇后十五年十二月葬龍泉峪卽慕陵三十年文宗嗣位九月加上尊諡曰孝慎敏肅哲順和懿熙天詒聖成皇后咸豐二年三月升祔太廟十一年十月加上尊諡誠惠二字光緒元年六月加上敦恪二字卽今諡

孝全慈敬寬仁端愨安惠誠敏符天篤聖成皇后鈕祜祿氏二等侍衛世襲二等男贈一等承恩侯晉贈三等承恩公頤齡之女嘉慶十三年戊辰二月二十八日生道光初入宮賜號全嬪三年十一月冊晉全妃時年十六少於宣宗二十六歲五年二月生皇三女贈端順固倫公主四月晉全貴妃明年生皇四女壽安固倫公主十一年六月生皇四子是爲文宗十三年八月晉稱皇貴妃攝六宮事十四年十月立爲皇后二十年庚子正月十一日崩壽三十有三特旨賜諡孝全皇后十一月葬龍泉峪卽慕陵三十年文宗嗣位九月加上尊諡曰孝全慈敬寬仁端愨符天篤聖成皇后咸豐二年三月升祔太廟十一年十月加上尊諡安惠二字光緒元年六月加上誠敏二字卽今諡

孝靜康慈懿昭端惠莊仁和慎弼天輔聖成皇后博爾濟錦氏刑部員外郎追封三等承恩公花良阿之女嘉慶十七年壬申五月十一日生初入宮賜號靜貴人道光六年四月詔封靜嬪旋生皇二子贈順和郡王奕綱十二月行冊封靜嬪禮時年十五少於宣宗三十歲七年四月晉靜妃九年生皇三子贈慧質郡王奕繼十年生皇六女壽恩固倫公主十二年生皇六子恭忠親王奕訢十四年十一月晉靜貴妃二十年代孝全皇后撫育文宗十二月晉皇貴妃三十年正月文宗嗣位晉尊爲皇考康慈皇貴太妃居壽康宮咸豐元年三月恭上皇貴太妃冊寶五年乙卯七月初一日尊爲康慈皇太后初九日崩壽四十有四九月上尊諡曰孝靜康慈弼天輔聖皇后不升祔太廟故不稱成皇后七年四月葬慕陵

之東曰慕東陵十一年十月始議升祔太廟同治元年四月加上尊諡曰孝靜康慈懿昭端惠弼天輔聖成皇后行祔廟禮光緒元年六月加上尊諡莊仁二字宣統元年四月加上和慎二字卽今諡

莊順皇貴妃烏雅氏筆帖式靈壽之女初入宮充常在道光十九年賜號琳貴人二十年九月生皇七子醇賢親王奕譞十一月詔封琳嬪毋庸舉行冊封禮二十二年二月生皇九女壽莊固倫公主五月晉琳妃二十四年生皇八子鍾端郡王奕詒二十五年生皇九子孚敬郡王奕譔二十六年十二月晉琳貴妃三十年正月文宗晉尊爲皇考琳貴太妃咸豐元年三月行冊尊禮十一年十月穆宗晉尊爲皇祖琳皇貴太妃同治五年丙寅十一月初七日

卒命王公百官持服一日謚曰莊順皇貴妃六年十月葬慕東陵園寢十三年十二月皇貴妃親孫入承大統是爲德宗光緒十三年二月特詔加增園寢祭品德宗親詣行禮十六年正月贈封其三代皆一品十九年再加崇園寢規制

彤貴妃舒穆魯氏郎中玉彰之女初賜號爲彤貴人道光十二年十一月冊封彤嬪十四年十一月晉彤妃十六年十二月晉彤貴妃二十年生皇七女二十一年生皇八女壽禧和碩公主二十四年生皇十女後復降爲貴人

何年何事降未詳

三十年正月文宗晉尊爲

皇考彤嬪咸豐元年三月行冊尊禮十一年十月穆宗晉尊爲皇祖彤妃同治十三年十一月再詔晉尊爲彤貴妃光緒三年丁丑卒

佳貴妃郭佳氏初賜號爲佳貴人道光十六年十二月冊封佳嬪
後復降爲貴人何年何事降未詳三十年正月文宗晉尊爲皇考佳嬪咸
豐元年三月行冊尊禮十一年十月穆宗晉尊爲皇祖佳妃同治
十三年十一月再詔晉尊爲佳貴妃光緒十六年庚寅四月初六
日卒

成貴妃鈕祜祿氏初賜號爲成貴人道光二十六年十二月冊封
成嬪後復降爲貴人何年何事降未詳三十年正月文宗晉尊爲皇考成

嬪咸豐元年三月行冊尊禮十一年十月穆宗晉尊爲皇祖成妃
同治十三年十一月再詔晉尊爲成貴妃光緒十四年戊子三月
卒

和妃納喇氏卿銜成文女嘉慶時以宮女子入侍宣宗潛邸十三

年四月生皇長子贈隱志郡王奕緯仁宗以誕育皇孫特賜封爲皇子側福晉道光二年十一月冊封和嬪三年十一月晉和妃十六年丙申四月初四日卒

珍妃赫舍哩氏初賜號爲珍貴人道光五年四月冊封珍嬪八月

詔晉珍妃

按以後未見冊封月日殆尋已卒耶

贈常妃赫舍哩氏道光時賜號爲常貴人三十年正月文宗晉尊爲皇考常嬪咸豐元年三月行冊尊禮十年庚申八月二十三日卒十一年十月穆宗追晉爲皇祖常妃

贈祥妃鈕祜祿氏郎中久福之女初賜號爲祥貴人道光三年十一月冊封祥嬪五年正月生皇二女四月晉祥妃九年生皇五女壽臧和碩公主十一年生皇五子惇勤親王奕諒後復降爲貴人

何年何事
降未詳

三十年正月文宗晉尊爲皇考祥嬪咸豐元年三月行冊尊禮十一年辛酉正月初六日卒十一月穆宗追晉爲皇祖祥妃

恬嬪富察氏嘉慶時爲宣宗潛邸側福晉道光二年十一月冊封恬嬪二十五年乙巳七月十九日卒

順嬪道光時充常在三十年正月文宗尊封爲皇考順貴人咸豐十一年十月穆宗晉尊爲皇祖順嬪同治七年戊辰三月十九日卒

恆嬪蔡佳氏道光時充答應三十年正月文宗晉稱爲皇考常在咸豐十一年十月穆宗晉尊爲皇祖蔡貴人同治十三年十一月再晉尊爲恆嬪光緒二年丙子閏五月初六日卒

豫嬪尙佳氏道光時充答應三十年正月文宗晉稱爲皇考常在
咸豐十一年十月穆宗晉尊爲皇祖尙貴人同治十三年十一月
再晉尊爲豫嬪

平貴人道光三年癸未三月二十五日卒

定貴人道光二十二年壬寅十二月十四日卒

貴人李氏道光時充答應三十年正月文宗晉稱爲皇考常在咸
豐十一年十月穆宗晉尊爲皇祖李貴人

貴人那氏道光時充答應三十年正月文宗晉稱爲皇考常在咸
豐十一年十月穆宗晉尊爲皇祖那貴人

文宗顯皇帝

贈孝德溫惠誠順慈莊恪慎徽懿恭天贊聖顯皇后薩克達氏太

僕寺少卿贈三等承恩公富泰之女文宗居皇子位道光二十七年二月奉宣宗指婚明年二月賜冊爲皇子福晉二十九年己酉十二月十二日卒三十年正月文宗登極詔追封爲皇后十月冊諡曰孝德皇后時梓宮暫安於田村咸豐十一年穆宗嗣位十二月加上尊諡曰孝德溫惠誠順慈莊恭天贊聖顯皇后同治元年九月梓宮移靜安莊四年九月合葬定陵升祔太廟光緒元年六月加上尊諡恪慎二字宣統元年四月加上徽懿二字卽今諡孝貞慈安裕慶和敬誠靖儀天祚聖顯皇后鈕祜祿氏廣西右江道累贈三等承恩公穆揚阿之女道光十七年丁酉七月十二日生咸豐二年二月詔封貞嬪五月詔晉貞貴妃六月己擬爲皇后其嬪妃冊封典禮均未舉行十月立爲皇后時年十六少於文宗

十二歲十年八月從車駕出狩熱河十一年七月穆宗嗣位尊爲皇太后九月還宮十一月初一日偕孝欽顯皇后御養心殿垂簾訓政時年二十五世人稱爲東太后同治元年四月上徽號曰慈安皇太后十一年十月穆宗大婚禮成加上端裕二字十二年二月穆宗親政加上康慶二字十三年十一月初十日穆宗病痘復訓政十二月初五日德宗入承大統訓政如故光緒二年七月四十慈慶加上徽號昭和莊敬四字至是爲慈安端裕康慶昭和莊敬皇太后七年辛巳三月初九日不豫初十日戌刻崩壽四十有五五月上尊諡曰孝貞慈安裕慶和敬儀天祚聖顯皇后九月葬定陵東之普祥峪曰定東陵升祔太廟宣統元年四月加上尊諡誠靖二字卽今諡

孝欽慈禧端佑康頤昭豫莊誠壽恭欽獻崇熙配天興聖顯皇后
葉赫納喇氏帶印脫逃革職安徽甯池太廣道贈三等承恩公
惠徵之女道光十五年乙未十月初十日生咸豐元年被選入宮
初賜號爲懿貴人四年十一月冊封懿嬪六年三月生皇長子是
爲穆宗旋詔晉懿妃十二月行冊封禮七年十二月晉懿貴妃十
年八月隨侍車駕出狩熱河十一年七月穆宗嗣位尊爲皇太后
九月還宮十一月初一日隨孝貞顯皇后御養心殿垂簾訓政時
年二十七世人稱爲西太后同治元年四月上徽號曰慈禧皇太
后十一年十月穆宗大婚禮成加上端佑二字十二年二月穆宗
親政加上康頤二字十三年十一月初十日穆宗病痘復訓政十
二月初五日德宗入承大統訓政如故光緒二年七月加上徽號

昭豫莊誠四字七年三月孝貞崩自是后獨訓政十三年正月德宗親政后仍訓政十四年二月築頤和園成十五年二月初三日始歸政旋德宗以大婚禮成加上徽號壽恭二字三月再因親政加上欽獻二字十七年四月幸頤和園駐蹕自是歲以爲常二十年八月因十月中六旬慈慶加上徽號崇熙二字至是爲慈禧端佑康順昭豫莊誠壽恭欽獻崇熙皇太后二十四年八月初八日復訓政世謂之戊戌政變二十五年十一月隱謀廢立尋怵於人言不果二十六年五月義和拳入京師七月八國聯軍陷京師后奔太原旋奔西安十二月命將是年五月二十四日後七月二十四日前諭旨毀除二十七年十一月德宗奉之還京師三十四年戊申十月二十一日宣統帝入承大統尊爲太皇太后翼日未刻

崩壽七十有四宣統元年正月上尊諡如上九月葬定陵東之普陀峪曰定東陵十月升祔太廟

莊靜皇貴妃他他拉氏主事慶海之女初賜號爲麗貴人咸豐四年十二月詔封麗嬪五年五月晉麗妃旋生皇女榮安固倫公主十二月行冊封麗妃禮十一年十月穆宗晉尊爲皇考麗皇貴妃同治十三年十一月再詔晉尊爲麗皇貴太妃光緒十六年庚寅十一月十五日卒諡曰莊靜皇貴妃

端恪皇貴妃佟佳氏咸豐八年十二月冊封祺嬪十一年十月穆宗晉尊爲皇考祺妃同治十三年十一月再詔晉尊爲祺貴妃光緒三十四年十月宣統帝晉尊爲皇祖祺皇貴太妃宣統二年庚戌三月二十八日卒喪儀視莊靜皇貴妃例五月諡曰端恪皇貴

妃

婉貴妃索綽絡氏左都御史奎照之女初賜號爲婉貴人咸豐四年十二月詔封婉嬪五年十二月行冊封禮十一年十月穆宗晉尊爲皇考婉妃同治十三年十一月再詔晉尊爲婉貴妃光緒二十年甲午五月十七日卒

玫貴妃徐佳氏領催誠意之女初賜號爲玫貴人咸豐八年二月生皇二子贈懋 王十二月冊封玫嬪十一年十月穆宗晉尊爲皇考玫妃同治十三年十一月再詔晉尊爲玫貴妃光緒十六年庚寅十一月初八日卒

璪妃咸豐時賜號爲璪貴人十一年十月穆宗尊封爲皇考璪嬪同治十三年十一月再詔晉尊爲璪妃光緒二十一年乙未四月

二十一日卒

吉妃咸豐時賜號爲吉貴人十一年十月穆宗尊封爲皇考古嬪
同治十三年十一月再詔晉尊爲吉妃光緒三十一年乙巳十月
卒

禧妃咸豐時賜號爲禧貴人十一年十月穆宗尊封爲皇考古嬪
同治十三年十一月再詔晉尊爲禧妃光緒三年丁丑五月十六
日卒

慶妃咸豐時賜號爲慶貴人十一年十月穆宗尊封爲皇考古嬪
同治十三年十一月再詔晉尊爲慶妃光緒十一年乙酉五月初
三日卒

雲嬪武佳氏初入侍文宗於皇子邸咸豐初賜號爲雲貴人二年

十一月冊封雲嬪五年乙卯正月初四日卒

英嬪伊爾根覺羅氏咸豐初賜號爲英貴人二年十一月冊封英嬪卒年未詳

容嬪咸豐時賜號爲容貴人十一年十月穆宗尊封爲皇考容嬪同治八年己巳五月十二日卒

璿嬪咸豐時賜號爲璿貴人十一年十月穆宗尊封爲皇考璿嬪同治十三年甲戌三月二十四日卒

玉嬪咸豐時賜號爲玉貴人十一年十月穆宗尊封爲皇考玉嬪同治元年壬戌十一月十六日卒

穆宗毅皇帝

孝哲嘉順淑慎賢明恭端憲天彰聖毅皇后阿魯特氏副都統前

任大學士賽尙阿之女孫修撰翰林院侍講封三等承恩公累官
戶部尙書崇綺之女咸豐四年甲寅七月初一日生同治十一年
九月納聘立爲皇后年十九長穆宗二歲十三年十二月德宗卽
位奉兩宮皇太后命封爲嘉順皇后光緒元年乙亥二月二十日
寅刻絕食崩或云爲慈禧皇太后所扼吞金死也壽二十有二時
距穆宗崩才七十餘日五月上尊諡曰孝哲嘉順淑慎賢明憲天
彰聖毅皇后九月暫安梓宮於隆福寺五年三月合葬惠陵升祔
太廟光緒三十四年十月宣統帝入嗣穆宗於元年四月加上尊
諡恭端二字卽今諡

淑慎皇貴妃富察氏員外郎後累官刑部侍郎鳳秀女同治十一
年九月冊封慧妃十三年十一月詔晉皇貴妃十二月德宗奉兩

宮皇太后命詔晉封爲敦宜皇貴妃光緒二十年正月慈禧皇太后以是年六旬慈慶命晉封爲敦宜榮慶皇貴妃三十年甲辰正月二十八日卒諡曰淑慎皇貴妃

敬懿皇貴妃赫舍哩氏知府崇齡女同治十一年十月冊封瑜嬪十三年十一月詔晉瑜妃德宗光緒二十年正月慈禧皇太后以是年六旬慈慶命晉封爲瑜貴妃三十四年十月宣統帝尊封爲皇考瑜皇貴妃遜國後之癸丑年二月晉稱今號

莊和皇貴妃阿魯特氏副都統前任大學士賽尚阿庶出之女實孝哲毅皇后之姑也同治十一年十月冊封珣嬪十三年十一月詔晉珣妃德宗光緒二十年正月慈禧皇太后以是年六旬慈慶命晉封爲珣貴妃三十四年十月宣統帝尊封爲皇考珣皇貴妃

遜國後之癸丑年二月晉稱曰莊和皇貴妃辛酉三月卒四月祔葬惠陵

榮惠皇貴妃西林覺羅氏同治時賜號爲璿貴人十三年十一月詔封璿嬪德宗光緒二十年正月慈禧皇太后以是年六旬慈慶命晉封爲璿妃三十四年十月宣統帝尊封爲皇考璿貴妃遜國後之癸丑年二月晉尊今位號

德宗景皇帝

孝定隆裕寬惠慎哲協天保聖景皇后葉赫納喇氏副都統承恩公後晉都統加輔國公銜桂祥之女實孝欽顯皇后之姪女也同治七年戊辰正月初十日生光緒十四年十月孝欽皇后爲德宗納聘十五年正月立爲皇后年二十二長德宗三歲二十六年七

月從車駕西巡駐蹕西安明年十一月同還京師三十四年十月
宣統帝入承大統稱兼祧母后尊爲皇太后十一月擬定徽號曰
隆裕皇太后宣統元年十一月舉行尊上徽號典禮三年十二月
二十五日率同皇帝下詔遜國越二年癸丑正月十七日崩於故
宮壽四十有六上尊諡如上是年崇陵工竣十一月合葬升祔太
廟

端康皇貴妃他他拉氏總督裕泰女孫原任侍郎長敘女同治十
三年甲戌八月二十日生光緒十四年十月選爲瑾妃時年十五
明年二月冊封二十年正月慈禧皇太后以是年六旬慈慶命晉
封瑾妃十月以事忤太后旨命降爲貴人二十一年十一月仍冊
封瑾妃二十六年七月隨侍西巡三十四年十月宣統帝晉尊爲

皇考瑾貴妃遜國後之癸丑年二月晉尊今位號

贈恪順皇貴妃他他拉氏端康皇貴妃親妹也光緒二年丙子生十四年年十三與姊同時被選爲珍嬪明年同月冊封二十年復同時命晉珍妃復同時降爲貴人明年仍同時冊封珍妃二十六年七月京師陷殉難或云慈禧皇太后惡之特甚西奔時擠妃墮宮內井中死也年二十有五明年十一月德宗還宮追晉爲珍貴妃葬西直門外遜國後之癸丑年移其棺祔葬崇陵辛酉三月追晉今位號

清皇室四譜卷三

丹陽唐邦治輯

皇子

肇祖原皇帝

皇長子充善子三長妥羅次妥義謨均無嗣次錫寶齊篇古子一
卽興祖以上清官書述之如此考明人紀載猛哥帖木兒宣德八
年八月遘難一子阿古同被害一子童倉挾建衛印遁入朝鮮
正統二年十一月明以猛哥帖木兒嫡子董山爲建州左衛指揮
使六年正月晉都督僉事七年二月晉都督同知景泰元年五月
通瓦喇入寇天順二年二月晉右都督時私謁朝鮮受其正憲大
夫中樞院使之職明遣錦衣譯者往詰之服罪尋仍反覆成化三
年四月聽撫入朝貢方物旋執而羈之廣甯九月都御史李秉等

率師分五道出塞覆其巢誅董山羈所五年七月以其子脫羅襲都指揮同知弘治中普都督正德元年四月又以脫羅子脫原保襲其父原職董山卽充善脫羅卽妥羅錫寶齊篇古不能詳也

皇二子褚宴明人譯爲綽顏正統十一年二月命爲副千戶清官書曰無嗣

興祖直皇帝

皇長子德世庫後稱一祖亦稱大祖居赫圖阿拉附近覺爾察地卒年無考

皇二子劉闡後稱二祖居赫圖阿拉附近阿哈河洛地卒年無考
皇三子索長阿後稱三祖居赫圖阿拉附近河洛噶善地疑卽明人所稱之草場與景祖同隸建州夷酋王杲部下者卒年無考

皇四子卽景祖

皇五子包朗阿後稱五祖居赫圖阿拉附近尼嘛喇地卒年無考
皇六子寶實後稱六祖居赫圖阿拉附近章嘉地卒年無考

景祖翼皇帝

皇長子贈武功郡王禮敦助景祖征服附近諸部落號曰巴圖魯
卒年無考葬赫圖阿拉天命九年四月移葬東京崇德元年四月
追封武功郡王配享太廟乾隆十九年九月入祀盛京賢王祠

皇二子贈慧哲郡王額爾袞卒年無考順治十年五月追封郡王
諡慧哲配享太廟乾隆十九年九月入祀盛京賢王祠

皇三子贈宣獻郡王界堪卒年無考順封十年五月追封郡王諡
宣獻配享太廟乾隆十九年九月入祀盛京賢王祠

皇四子卽顯祖

皇五子贈恪恭貝勒塔察篇古卒年無考順治十年六月追封貝勒諡恪恭

顯祖宣皇帝

皇長子卽太祖

皇二子贈誠毅勇壯貝勒穆爾哈齊明嘉靖四十年辛酉生庶妃李佳氏出初以有功號曰青巴圖魯後譯稱誠毅天命五年庚申九月初十日巳刻卒年六十葬赫圖阿拉九年四月移葬東京順治十年六月追封貝勒諡勇壯子十一人

皇三子贈莊親王舒爾哈齊明人書譯爲速爾哈赤明嘉靖四十二年甲子生嫡妃喜塔臘氏出爲太祖同母弟太祖時稱爲貝勒

嘗受明建州衛都指揮之職萬曆二十五年七月及三十四年十二月均入朝貢方物明年四月以擊敗烏拉功太祖賜號達爾漢巴圖魯三十七年三月因怨望出奔他部太祖籍其貲產尋來歸三十九年辛亥八月十九日午刻卒年四十八明人傳爲太祖殺之葬赫圖阿拉天命九年四月移葬東京順治十年五月詔視其子濟爾哈朗爵追封親王諡莊子九人

皇四子贈通達郡王雅爾哈齊嫡妃喜塔臘氏出亦太祖同母弟卒年無考順治十年五月追封郡王諡通達配享太廟乾隆十九年九月入祀盛京賢王祠無嗣

皇五子贈篤義剛勇貝勒巴雅喇明萬曆十年壬午生次妃哈達納喇氏出初稱台吉二十六年正月以功賜號卓禮克圖後譯稱

篤義天命九年甲子二月十六日卒年四十三順治十年五月追封貝勒諡剛勇子九人

太祖高皇帝

皇長子廣略貝勒褚英一作褚燕明萬曆八年庚辰生元妃佟佳氏出初稱台吉二十六年正月晉稱貝勒以功賜號洪巴圖魯明人遂稱爲紅把兔三十五年四月再以擊敗烏拉功賜號阿爾哈圖土門後譯稱廣略未幾受太祖委政不恤衆爲諸弟羣臣所愬太祖疏之四十一年三月作書詛呪事發幽之高墻四十三年乙卯閏八月死於禁所年三十六明人以爲諫父叛明忤旨被戮也葬赫圖阿拉天命九年四月移葬東京子三人

皇二子禮烈親王代善明萬曆十一年癸未七月初三日寅時生

元妃佟佳氏出爲皇長子褚英同母弟初稱貝勒三十五年四月以擊敗烏拉功賜號古英巴圖魯明人或稱爲貴永介天命元年四月封和碩貝勒參國務國人稱爲大貝勒十一年八月奉弟皇太極嗣父位崇德元年四月封和碩兄禮親王順治二年春至京師五年戊子十月十一日丑刻卒年六十六康熙十年六月追諡曰烈乾隆十九年九月入祀盛京賢王祠四十三年正月配享太廟特詔改見襲爵位之康親王復始封王號曰禮世襲罔替子八人

皇三子晉贈鎮國勤敏公阿拜明萬曆十三年乙酉八月十五日丑時生庶妃兆佳氏出初授備禦天聰八年四月授三等副將後稱三等男崇德三年七月任吏部承政順治四年九月累晉鎮國

將軍五年戊子二月二十一日巳刻卒年六十四十年五月追晉鎮國公諡勤敏子七人

皇四子鎮國克潔將軍湯古代明萬曆十三年乙酉十一月初四日子時生庶妃鈕祜祿氏出天聰四年六月以罪籍產八年四月援三等副將後稱三等男崇德四年八月封鎮國將軍五年庚辰九月二十九日卒年五十順治時追諡克潔子二人

皇五子原封貝勒莽古爾泰明萬曆十五年丁亥生繼妃富察氏出天命元年四月封和碩貝勒參國務國人稱爲三貝勒掌正藍旗故又稱藍旗貝勒天聰五年十月以從征大凌河在御前持刀無狀論罪革大貝勒降居諸貝勒之列並罰銀入官六年壬申十二月初二日暴疾死年四十六以妻妾二人殉九年十二月被所

屬冷僧機首告生前私造金國皇帝印規謀不軌追削爵除宗籍以其妻分給從子豪格及岳託

皇六子晉贈輔國愨厚公塔拜明萬曆十七年己丑二月十八日戌時生庶妃鈕祜祿氏出爲皇四子湯古代同母弟初授遊擊天聰八年四月授一等參將後稱輔國將軍崇德四年己卯八月初九日申刻卒年五十一順治十年五月追晉輔國公諡愨厚子八人

皇七子晉贈饒餘敏親王阿巴泰明萬曆十七年己丑六月十六日午時生側妃伊爾根覺羅氏出初稱台吉天命十一年九月封多羅貝勒天聰五年七月掌工部事崇德元年四月晉饒餘貝勒三年八月副奉命大將軍多爾袞攻明明年四月凱旋七年十月

授奉命大將軍攻明入塞大掠畿輔山東八年六月凱旋順治元年四月晉饒餘郡王三年丙戌三月二十五日酉刻卒年五十八康熙元年二月以子岳樂晉封親王贈如其爵十年六月追諡敏乾隆十九年九月入祀盛京賢王祠四十三年三月詔以阿巴泰與子岳樂俱有功績賜其子孫輔國公一人世襲罔替子五人皇八子卽太宗

皇九子鎮國恪僖公巴布泰明萬曆二十年壬辰十一月初十日卯時生庶妃嘉穆瑚覺羅氏出天聰八年四月授三等副將後稱三等男崇德六年六月封奉國將軍晉輔國將軍順治四年九月累晉至輔國公八年三月晉鎮國公十二年乙未正月二十二日巳刻卒年六十四諡恪僖子三人

皇十子原封貝勒德格類明萬曆二十四年丙申生繼妃富察氏出爲皇五子莽古爾泰同母弟初稱台吉天命十一年九月封多羅貝勒天聰五年七月管戶部事九年乙亥十月初二日夜暴疾死年四十二月以生前與莽古爾泰謀逆追削爵除宗籍以其妻給其弟阿濟格

皇十一子原封鎮國將軍巴布海明萬曆二十四年丙申十一月二十八日酉時生庶妃嘉穆瑚覺羅氏出爲皇九子巴布泰同母第四十一年九月太祖遣之入質於明明不納而返後授備禦天聰八年四月晉一等參將後稱輔國將軍晉鎮國將軍崇德七年八月以怨望削爵除宗籍八年癸未八月二十三日坐造匿名帖陷害都統譚泰並其妻子皆伏法年四十八

皇十二子原封英親王阿濟格明萬曆三十三年乙巳七月十五日生大妃烏拉納喇氏出初稱台吉崇德元年四月封武英郡王四年二月率兵攻明入塞掠保定順治元年十月晉英親王旋授靖遠大將軍追討李自成二年六月滅李自成八月凱旋旋以出師索賄事覺降郡王四年七月復晉親王五年十一月命戍守大同六年六月還京啓於多爾袞爭稱叔王卽論其驕妄諸罪令勿預部務並禁交接漢官八年辛卯正月坐多爾袞死時密謀作亂逮獄閏二月移禁別室三月減其服用十月十六日因出怨言賜死年四十七並除宗籍

皇十三子晉贈輔國介直公賴慕布明萬曆三十九年辛亥十二月二十四日巳時生庶妃西林覺羅氏出天聰八年四月授備禦

順治二年二月封奉恩將軍三年丙戌五月十一日巳刻卒年三十六十年五月追晉輔國公諡介直子一人

皇十四子追復睿忠親王多爾袞明萬曆四十年壬子十月二十五日寅時生大妃烏拉納喇氏出爲皇十二子阿濟格同母弟初稱台吉天聰二年三月以從征有功賜號墨爾根代青晉固山貝勒五年七月掌吏部事崇德元年四月晉封睿親王三年八月授奉命大將軍攻明入塞大掠畿輔山東四年四月凱旋六年三月以失律降郡王七年七月敘功復晉親王八年八月與鄭親王濟爾哈朗同輔政順治元年四月再授奉命大將軍經略中原五月初二日入燕京居武英殿時人稱爲九王十月迎世祖至中國卽皇帝位旋封爲叔父攝政王建碑紀績三年五月取大內信符貯

之王府四年十二月停行御前跪拜禮五年十一月晉稱皇父攝政王六年十二月王妃博爾濟錦氏死多爾袞自諡爲敬孝忠恭正宮元妃七年庚寅十一月獵於邊外十二月初九日戌刻卒於京東喀喇城年三十九以寵妾殉越十日追尊曰懋德修道廣業定功安民立政誠敬義皇帝廟號成宗八年正月十九日升祔太廟二月二十一日被屬下蘇克薩哈等首告生前逆蹟遂削帝號奪廟享革世襲爵除宗籍乾隆四十三年正月特詔昭雪復宗籍追還原封王爵世襲罔替補諡曰忠配享太廟八月入祀盛京賢王祠初無子以弟多鐸子爲嗣得罪時奪令歸宗至是仍追爲之後以其孫襲爵

皇十五子豫通親王多鐸明萬曆四十二年甲寅二月二十四日

戊時生大妃烏拉納喇氏出爲皇十四子多爾袞同母弟初封貝勒天聰二年三月以功賜號額爾克楚虎爾崇德元年四月晉封豫親王六月命掌禮部事四年五月以罪降貝勒八月改管兵部事七年七月叙下松山功晉豫郡王八年十月謀奪大學士范文程妻罰鍰順治元年四月隨多爾袞入關時人稱爲十王十月復晉豫親王授定國大將軍西征二年正月入西安二月命移師定江南四月入揚州五月入南京滅明福王十月凱旋晉號德豫親王三年五月授揚威大將軍征蘇尼特部十月班師四年七月晉封輔政叔德豫親王六年己丑三月十八日寅刻病痘卒年三十六以福晉二人殉九年三月以係多爾袞母弟追降郡王康熙十年六月追諡曰通乾隆四十三年正月追復親王配享太廟並命

見襲爵位之信郡王復始封王號曰豫世襲罔替八月入祀盛京賢王祠子八人

按太祖遣巴布海質明時稱之爲第七子順治初人稱多爾袞爲九王多鐸爲十王以嫡庶數以死亡生存者數皆不能合當時必有其說今不可知矣

皇十六子費揚古太宗時獲大罪伏法並削宗籍何年何事諸官書均無紀載

按費揚古疑亦繼妃富察氏出爲莽古爾泰德格類同母弟因盛京滿文老檔天命五年二月繼妃得罪時太祖言大福晉罪無可逭惟念所出三子一女遽失所恃不免心中悲悼大福晉卽繼妃官書稱生二子一女若增入費揚古則三子

一女情事宛合故恐費揚古之死卽爲天聰九年十二月葬古爾泰等逆謀之獄所牽也不敢質言聊識於此

太宗文皇帝

皇長子肅武親王豪格明萬曆三十七年己酉三月十三日子時生繼妃烏拉納喇氏出初封貝勒天聰六年七月晉和碩貝勒崇德元年四月以軍功晉肅親王六月命掌戶部事八月以事降貝勒三年八月副奉命大將軍多爾袞攻明明年四月凱旋八月仍命管戶部事九月復以功晉親王六年三月以事降郡王七年七月以功仍晉親王順治元年四月以事削爵十月仍封親王三年正月授靖遠太將軍征四川十二月滅張獻忠五年二月凱旋三月被多爾袞構陷削爵幽繫四月自殺年四十以庶妃三人殉七

年正月多爾袞與兄阿濟格各納其福晉一人八年二月昭雪追復封爵十三年九月追諡武乾隆四十三年正月配享太廟特詔改現襲爵位之顯親王復始封王號曰肅世襲罔替八月入祀盛京賢王祠光緒五年十月四川總督丁寶楨請祠祀西充許之子七人

皇二子洛格明萬曆三十九年辛亥生繼妃烏拉納喇氏出爲皇長子豪格同母弟天命六年辛酉十月殤年十一歲

皇三子格博會明萬曆三十九年辛亥生元妃鈕祜祿氏出天命二年丁巳殤年七歲

皇四子輔國公葉布舒天聰元年丁卯十月十八日子時生庶妃顏札氏出初封鎮國將軍康熙八年晉輔國公二十九年庚辰九

月二十二日子刻卒年六十有四子一人

皇五子承澤裕親王碩塞天聰二年戊辰十二月二十四日亥時生側妃葉赫納喇氏出順治元年十月封承澤郡王六年三月晉親王七年八月降郡王八年閏二月復晉親王三月命掌兵部事十年十一月任宗令十一年甲午十二月初五日寅刻卒年二十七康熙十年六月追諡裕子四人

皇六子鎮國愨厚公高塞號霓菴又號敬一主人崇德二年丁丑二月十六日子時生庶妃納喇氏出順治九年九月封輔國公康熙八年九月晉鎮國公九年庚戌七月二十二日子刻卒年三十四諡愨厚著有恭壽堂集子五人

皇七子輔國公品級常舒崇德二年丁丑四月十九日寅時生庶

妃伊爾根覺羅氏出初封鎮國將軍康熙八年九月晉輔國公十四年十二月以事削爵三十七年十二月授輔國公品級明年己卯十二月二十五日寅刻卒年六十有三子十人

皇八子崇德二年丁丑七月初八日亥時生關雎宮宸妃博爾濟錦氏卽敏惠恭和元妃出未命名明年戊寅正月二十八日殤年二歲

皇九子卽世祖

皇十子輔國公韜塞崇德四年己卯二月初八日戌時生庶妃出初封鎮國將軍康熙八年晉輔國公三十四年乙丑二月初九日卯刻卒年五十七子十二人

皇十一子襄昭親王博穆博果爾崇德六年辛巳十二月二十日

申時生麟趾宮貴妃博爾濟錦氏卽懿靖貴妃出順治十二年十
二月封襄親王明年丙申七月初三日巳刻卒年十六康熙十年
六月追諡昭無子

世祖章皇帝

皇長子鈕鈕順治八年辛卯十一月初一日子時生庶妃巴氏出
明年壬辰正月三十日辰刻殤年二歲

皇二子裕憲親王福全順治十年癸巳七月十七日丑時生庶妃
棟鄂氏卽寧懋妃出康熙六年正月封裕親王二十九年七月授
撫遠大將軍與恭親王常寧分道討噶爾丹尋還師四十二年癸
未六月二十六日酉刻卒年五十一諡憲子六人

皇三子卽聖祖

皇四子贈榮親王順治十四年丁酉十月初七日丑時生皇貴妃董鄂氏卽贈孝獻皇后出未命名明年正月二十四日寅刻殤年二歲三月追封榮親王建墳園如制

按皇朝文獻通考皇四子爲孝惠章皇后生本譜據玉牒改訂惟玉牒作四月初七日生亦誤本譜據實錄十月丙子皇四子生丙子初七日也

皇五子恭親王常寧順治十四年丁酉十一月初四日申時生庶妃陳氏出康熙十年正月封恭親王二十九年七月授安北大將軍與裕親王福全分道討噶爾丹尋還師四十二年癸未六月初七日戌刻卒年四十有七子六人

皇六子奇授順治十六年己亥十一月二十一日申時生庶妃唐

氏出康熙四年乙巳十一月初六日殤年七歲

皇七子純靖親王隆禧順治十七年庚子四月二十二日丑時生
庶妃鈕氏出康熙十三年正月封純親王十八年己未七月十五日申刻卒年二十諡靖子一人

皇八子永幹順治十七年庚子十二月二十三日辰時生庶妃穆克圖氏出康熙六年丁未十二月初二日卯刻殤年八歲

聖祖仁皇帝

皇長子原封直郡王允禔其初行次爲第五康熙十一年壬子二月十四日午時生庶妃納喇氏卽惠妃出三十七年三月封直郡王四十七年十一月坐呪魘太子允禔削爵拘繫高牆雍正十二年甲寅十一月初一日卯刻幽死年六十有三以貝子禮葬子十

五人

按聖祖諸皇子之名上一字本皆作胤康熙六十一年十一月世宗既卽位爲諸兄弟改作今字

皇二子廢太子贈理密親王允礽其初行次爲第六康熙十三年甲寅五月初三日巳時生孝誠仁皇后赫舍哩氏出小名保成明年十二月立爲皇太子三十五年二月聖祖北征特命監國後北征皆如之四十一年九月侍駕南巡以病留德州而止明年正月仍侍駕南巡四十七年九月以罪廢拘繫於咸安宮十二月原釋四十八年三月復立爲皇太子五十一年十月再以罪廢仍禁錮於咸安宮雍正二年甲辰十二月十四日戌刻幽死年五十有一追封理親王諡密有詩見熙朝雅頌集子十二人

皇三子贈誠隱郡王允祉其初行次爲第十康熙十六年丁巳二月二十日午時生庶妃馬佳氏卽榮妃出三十七年三月封誠郡王明年九月以在敏妃喪百日中薙頭降貝勒四十八年三月晉誠親王六十一年十一月與受末命雍正六年六月坐貪利降誠郡王八年二月復晉誠親王五月論罪八款削爵拘禁於景山永安亭十年壬子閏五月十九日丑刻幽死年五十有六以郡王禮葬乾隆二年十二月追諡隱有詩見熙朝雅頌集子十二人

皇四子卽世宗其初行次爲第十一

皇五子恆溫親王允禛其初行次爲第十三康熙十八年己未十一月初四日申時生宜嬪郭囉羅氏卽宜妃出三十七年三月封貝勒四十八年三月晉恆親王雍正十年壬子閏五月十九日丑

刻卒年五十有四諡溫有詩見熙朝雅頌集子七人

皇六子允祚其初行次爲第十四康熙十九年庚申二月初五日巳時生德嬪烏雅氏卽孝恭仁皇后出爲世宗同母弟二十四年乙丑五月十四日午刻殤年六歲

皇七子淳度親王允祐其初行次爲第十五康熙十九年庚申七月二十五日子時生庶妃戴佳氏卽成妃出有殘疾三十七年三月封貝勒四十八年三月晉淳郡王六十一年十一月與受末命雍正元年四月晉淳親王八年庚戌四月初二日辰刻卒年五十有一諡度有詩見熙朝雅頌集子七人

皇八子原封廉親王允禩其初行次爲第十六康熙二十年辛酉二月初十日未時生庶妃衛氏卽良妃出三十七年三月封貝勒

四十七年九月以謀奪儲位削爵逮治十二月賜還貝勒仍繫於暢春園側五十四年正月停給爵俸明年九月以病釋令還家給俸如故六十一年十一月與受末命世宗卽位命總理事務十二月封廉親王授理藩院尙書三年二月罷總理事務獨不予議敘四年丙午正月嚴旨歷數罪狀削爵除宗籍二月圈禁高墻三月改其名爲阿其那六月廷臣復議其罪四十款詔令宣示天下九月初五日幽死年四十有六乾隆四十三年正月詔復其原名收入宗籍子一人

皇九子原封貝勒允禔其初行次爲第十七康熙二十二年癸亥八月二十七日子時生宜妃郭囉羅氏出爲皇五子允祺同母弟四十八年三月封貝子六十一年十一月與受末命雍正元年正

月遣駐西甯三年七月削爵四年丙午正月坐編造字樣書信事
覺除宗籍四月逮繫保定獄五月改其名爲塞思黑六月廷臣復
議其罪二十八款詔令宣示天下八月二十七日巳刻死於禁所
年四十有四乾隆四十三年正月詔復其原名收入宗籍

皇十子原封敦郡王允祚其初行次爲第十八康熙二十二年癸
亥十月十一日亥時生溫僖貴妃鈕祜祿氏出四十八年三月封
敦郡王六十一年十一月與受末命雍正二年四月以奉差擅回
削爵禁錮十三年高宗卽位十一月釋之乾隆二年二月封輔國
公六年辛酉九月初九日子刻卒年五十有九以貝子禮葬子六
人

皇十一子允祘其初行次爲第十九康熙二十四年乙丑五月初

七日戌時生宜妃郭囉羅氏出三十五年丙子七月二十五日申刻殤年十二歲

皇十二子履懿親王允禔其初行次爲第二十一康熙二十四年乙丑十二月二十四日寅時生庶妃萬琉哈氏卽定妃出四十八年三月封貝子六十一年十一月與受末命十二月晉履郡王雍正元年十二月以不感激效力降貝子二年六月再以事降鎮國公八年五月復晉履郡王十三年十月授宗令十一月晉履親王管禮部事乾隆三年正月罷管部務十八年正月授議政大臣二十八年癸未七月二十四日未刻卒年七十有九諡懿子六人皇十三子怡賢親王允祥其初行次爲第二十二康熙二十五年丙寅十月初一日辰時生庶妃章佳氏卽敬敏皇貴妃出六十一

年十一月與受末命旋世宗命總理事務封怡親王十二月並命
管戶部三庫事雍正元年賜增護衛四月命總理戶部事三年二
月罷總理事務特予優敘十二月命兼總理畿輔水利事四年七
月特賜忠敬誠直勤慎廉明扁額七年六月命辦理西北兩路軍
機十月叙協贊功特詔增儀仗一倍八年庚戌五月初四日午刻
卒年四十有五詔復其名上一字爲胤配享太廟六月予諡曰賢
並命冠忠敬誠直勤慎廉明八字於賢字上尋詔入祀京師賢良
祠乾隆十九年九月詔入祀盛京賢王祠三十九年十二月詔以
其爵世襲罔替有詩見熙朝雅頌集子九人

皇十四子恂勤郡王允禩其初行次爲第二十三康熙二十七年
戊辰正月初九日酉時生德妃烏雅氏卽孝恭仁皇后出爲世宗

同母第四十八年三月封貝子五十七年十月授撫遠大將軍征策旺阿喇布坦駐師西甯六十年十一月入覲明年四月還鎮十一月世宗登極召還雍正元年五月晉郡王二年七月遣守景陵三年十二月被宗人府劾奏降貝子四年五月自景陵撤還削爵拘禁於壽皇殿六月廷臣議其罪十四款詔令宣示天下十三年高宗登極十一月釋之乾隆二年二月授輔國公品級十二年六月封貝勒十三年正月晉恂郡王二十年乙亥正月初六日酉刻卒年六十有八諡勤爵停襲子四人

皇十五子愉恪郡王允禩其初行次爲第二十五康熙三十二年癸酉十一月二十八日子時生庶妃王氏卽順懿密妃出雍正四年五月封貝勒命守景陵八年二月晉愉郡王九年辛亥二月初

一日巳刻卒年三十有九諡恪子五人

皇十六子莊恪親王允祿其初行次爲第二十六康熙三十四年乙亥六月十八日卯時生庶妃王氏卽順懿密妃出爲皇十五子允禩同母弟雍正元年二月命出繼爲莊靖王博果鐸後襲封莊親王二年十一月授宗令三年二月解任十三年八月與受末命九月高宗命總理事務掌工部事兼議政大臣賜食親王雙俸三年二月攝理藩院尙書四年十月以與理親王弘皙等結黨營私罷職停雙俸七年六月命總理樂部事十八年正月復授議政大臣三十二年丁亥二月二十一日午刻卒年七十有三諡恪有詩見熙朝雅頌集子十人

皇十七子果毅親王允禮其初行次爲第二十七康熙三十六年

丁丑三月初二日寅時生庶妃陳氏卽純裕勤妃出雍正元年四月封果郡王尋命管理藩院事六年二月以効力忠誠晉果親王七年七月命管工部事八年八月命總理戶部三庫事十一年八月授宗令十月命管戶部事十二年七月命往泰甯伴送達賴喇嘛還藏並巡閱沿途各省駐防及綠營官兵十三年四月回京五月命值辦理苗疆事務處八月與受末命高宗卽位十月命解宗令總理事務管刑部事十一月賜食親王雙俸免宴見叩拜乾隆元年三月以事奪雙俸三年戊午二月初二日丑刻卒年四十有二諡毅著有春和堂靜遠齋諸集無子以從子爲嗣

皇十八子允祜其初行次爲第二十八康熙四十年辛巳八月初八日卯時生庶妃王氏卽順懿密妃出爲皇十六子允祿同母弟

四十七年戊子九月初四日巳刻殤年八歲

皇十九子允禩其初行次爲第二十九康熙四十一年壬午九月初五日丑時生庶妃高氏卽襄嬪出四十三年甲申二月二十三日辰刻殤年三歲

皇二十子簡靖貝勒允禕其初行次爲第三十康熙四十五年丙戌七月二十五日午時生庶妃高氏卽襄嬪出雍正四年五月封貝子八年二月晉貝勒十二年八月以庸愚降輔國公十三年九月仍晉貝勒乾隆二十年乙亥正月初九日巳刻卒年五十歲諡簡靖子二人

皇二十一子慎靖郡王允禧其初行次爲第三十一號紫瓊道人又號春浮居士康熙五十年辛卯正月十一日戌時生庶妃陳氏

卽熙嬪出雍正八年二月封貝子五月晉貝勒十三年十一月晉
慎郡王乾隆二十三年戊寅五月二十一日亥刻卒年四十有八
謚靖著有花間堂及紫瓊巖詩草子一人

皇二十二子恭勤貝勒允祐其初行次爲第三十二康熙五十年
辛卯十二月初三日酉時生庶妃色赫圖氏卽謹嬪出雍正八年
二月封貝子十二年二月晉貝勒乾隆八年癸亥十二月二十九
日子刻卒年三十有三謚恭勤子五人

皇二十三子郡王銜誠貝勒允祁其初行次爲第三十三號東山
康熙五十二年癸巳十一月二十八日卯時生庶妃石氏卽靜嬪
出雍正八年二月封鎮國公十三年十月晉貝勒以事降貝子乾
隆四十二年二月再以事降鎮國公四十五年九月復晉貝子四

十七年十一月再晉貝勒四十九年十一月加郡王銜五十年乙巳七月二十七日未刻卒年七十有三諡誠子七人

皇二十四子誠恪親王允祕其初行次爲第三十四康熙五十五年丙申五月十六日巳時生庶妃陳氏卽穆嬪出雍正十一年二月封誠親王乾隆三十八年癸巳十月二十日卯刻卒年五十有八諡恪有詩見熙朝雅頌集子四人

皇子承瑞本爲皇長子康熙六年丁未九月二十日寅時生庶妃馬佳氏卽榮妃出九年庚戌五月二十四日午刻殤年四歲後不齒序

皇子承祜本爲皇二子康熙八年巳酉十二月十三日寅時生孝誠仁皇后赫舍哩氏出十一年壬子二月初五日巳刻殤年四歲

後不齒序

皇子承慶本爲皇三子康熙九年庚戌閏二月初一日未時生庶妃納喇氏卽惠妃出十年辛亥四月十八日丑刻殤年二歲後不齒序

皇子賽音察渾本爲皇四子康熙十年辛亥十二月二十五日亥時生庶妃馬佳氏卽榮妃出十三年甲寅正月二十九日酉刻殤年四歲後不齒序

皇子長華本爲皇七子康熙十三年甲寅四月初六日巳時生庶妃馬佳氏卽榮妃出旋殤後不齒序

皇子長生本爲皇八子康熙十四年乙卯六月二十一日丑時生庶妃馬佳氏卽榮妃出十六年丁巳三月二十六日子刻殤年三

歲後不齒序

皇子萬黼本爲皇九子康熙十四年乙卯十月初八日巳時生貴人納喇氏卽通嬪出十八年己未正月二十九日戌刻殤年五歲後不齒序

皇子允攢本爲皇十二子康熙十八年己未二月三十日巳時生貴人納喇氏卽通嬪出十九年庚申四月初二日亥刻殤年二歲後不齒序

皇子允禩本爲皇二十子康熙二十二年癸亥七月二十三日子時生貴人郭囉羅氏出明年甲子六月初六日申刻殤年二歲後不齒序

皇子允禛本爲皇二十四子康熙三十年辛未正月二十六日辰

時生庶妃赫舍哩氏卽平妃出三月初一日辰刻殤後不齒序
皇子允禩康熙五十二年癸巳二月生貴人陳氏出旋殤本未齒
序

按聖祖皇子共三十五人末十一人玉牒叢附於允禩之後
云俱幼齡薨逝不以齒序皇朝文獻通考仍之然皇清文典
載雍正中皇三子允祉降封郡王冊文稱爲皇考第十子皇
七子允祐晉封親王冊文稱爲皇考第十五子皇八子允禩
初封親王冊文稱爲皇考第十六子皇十二子允禔晉封郡
王冊文稱爲皇考第二十一子皇十三子允祥初封親王冊
文稱爲皇考第二十二子皇十五子允禩初封貝勒冊文稱
爲皇考第二十五子皇十七子允禮初封郡王冊文稱爲皇

考第二十七子皇二十子允禧晉封貝勒冊文稱爲皇考第
三十子皇二十子允禧初封貝子冊文稱爲皇考第三十
一子皇二十四子允祕初封親王冊文稱爲皇考第三十四
子與見稱行次絕異若將承瑞等生年參錯相序則冊文所
稱行次無不脗合是知世宗當日實自稱爲皇十一子並不
自知爲皇四子也其改定次序必在高宗時嚮非冊文流傳
又烏從而見其跡也至原未齒序者惟允禩一人觀允祕冊
文可見又實錄於允禩長華允禩允禩俱稱無名亦大誤可
以本譜訂之

世宗憲皇帝

皇長子贈端親王弘暉康熙三十六年丁丑三月二十六日子時

生藩邸嫡妃烏拉納喇氏卽孝敬憲皇后出四十三年甲申六月初六日卯刻殤年八歲雍正十三年十一月高宗追封爲親王諡端

皇二子弘昫其初行次爲第三康熙三十九年庚辰八月初七日酉時生藩邸側妃李氏卽齊妃出四十九年庚寅十月二十日丑刻殤年十一歲

皇三子弘時其初行次爲第四康熙四十三年甲申二月十三日子時生藩邸側妃李氏卽齊妃出雍正五年丁未八月初六日申刻以年少放縱行事不謹削宗籍死年二十四十三年十月高宗卽位追復宗籍

皇四子卽高宗其初行次爲第五

皇五子和恭親王弘晝其初行次爲第六康熙五十年辛卯十一月二十七日未時生雍藩格格耿氏卽純懿皇貴妃出雍正十年世宗賜號旭日居士十一年二月封和親王十三年五月命值辦理苗疆事務處乾隆十八年正月授議政大臣三十五年庚寅七月十三日申刻卒年六十諡恭著有稽古齋集子八人

皇六子果恭郡王弘瞻其初行次爲第十雍正十一年癸丑六月十一日亥時生貴人劉氏卽謙妃出乾隆三年三月出繼果毅親王允禮襲封果親王二十八年五月坐頑悖無狀降貝勒三十年乙酉二月病亟特晉果郡王三月初八日申刻卒年三十三諡恭子三人

皇子弘盼初爲第二子康熙三十六年丁丑六月初二日子時生

藩邸側妃李氏卽齊妃出三十八年己卯二月二十九日亥刻殤年三歲

皇子福宜初爲第七子康熙五十九年庚子五月二十五日寅時生雍藩側妃年氏卽敦肅皇貴妃出六十年辛丑正月十三日丑刻殤年二歲

皇子贈懷親王福慧初爲第八子康熙六十年辛丑十月初九日未時生雍藩側妃年氏卽敦肅皇貴妃出雍正六年戊申九月初九日殤年八歲以親王例葬十三年十一月高宗追封爲親王諡懷

皇子福沛初爲第九子雍正元年癸卯五月初十日申時生側妃年氏卽敦肅皇貴妃出旋殤

按世宗皇子共十人末四人玉牒叢附於弘瞻之後云俱幼齡薨逝不以齒序皇朝文獻通考仍之然實錄雍正十三年載高宗追封福慧諭旨稱爲皇八弟是其時四人未常不齒序而高宗實自居爲第五子矣故復識其原序以備參考

高宗純皇帝

皇長子贈定安親王永璜雍正六年戊申五月二十八日午時生藩邸庶妃富察氏卽哲憫皇貴妃出乾隆十五年庚午三月十五日申刻卒年二十三追封定親王諡安子二人

皇二子贈端慧皇太子永璉雍正八年庚戌六月二十六日申時生藩邸嫡妃富察氏卽孝賢純皇后出世宗爲賜今名乾隆元年七月高宗密定皇儲緘其名於乾清宮正大光明扁額後三年戊

午十月初二日巳刻殤年九歲十一月追贈爲皇太子諡端慧後
功令諱其名璉字

皇三子贈循郡王永璋雍正十三年乙卯五月二十五日午時生
藩邸庶妃蘇氏卽純惠皇貴妃出乾隆二十五年庚辰七月十六
日辰刻卒年二十六追封循郡王

皇四子晉贈履端親王永琬乾隆四年己未正月十四日卯時生
嘉嬪金氏卽淑嘉皇貴妃出二十八年十一月出繼爲履懿親王
允禩孫降襲履郡王四十二年丁酉二月二十八日辰刻卒年三
十九以親王例葬諡端嘉慶四年三月追晉親王著有寄暢齋詩
稿子六人

皇五子榮純親王永琪號筠亭乾隆六年辛酉二月初七日丑時

生貴人珂里葉特氏卽愉貴妃出三十年十一月封榮親王三十年丙戌三月初八日午刻卒年二十六諡純子五人

皇六子質莊親王永璿號九思主人又號西園主人乾隆八年癸亥十二月十四日酉時生純妃蘇氏卽純惠皇貴妃出爲皇三子永璋同母第二十四年十二月出繼爲慎靖郡王允禧孫降襲貝勒三十七年十月晉質郡王兼總管內務府四十九年十二月以事被議五十四年十一月晉質親王明年庚戌五月初一日午刻卒年四十七諡莊著有九思堂詩鈔子六人

皇七子贈哲親王永琮乾隆十一年丙寅四月初一日子時生孝賢純皇后富察氏出明年丁卯十二月二十九日亥刻患痘殤年二歲諡悼敏皇子嘉慶四年三月追封哲親王

皇八子儀慎親王永璇乾隆十一年丙寅七月十五日午時生嘉妃金氏卽淑嘉皇貴妃出爲皇四子永瑛同母第四十四年三月封儀郡王嘉慶四年正月晉儀親王命總理吏部事二月自請罷管部務七年十二月以勞加給其子一貝子爵十八年九月以禁中禦賊功開復所有處分二十五年十月宣宗以王屬尊行免宴見行叩拜禮道光十二年壬辰八月初七日巳刻卒年八十有七諡慎子二人

皇九子乾隆十三年戊辰七月初九日亥時生嘉妃金氏卽淑嘉皇貴妃出未命名明年己巳四月二十七日未刻殤年二歲
皇十子乾隆十六年辛未五月十九日巳時生舒妃葉赫納喇氏出未命名十八年癸酉六月初七日子刻殤年三歲

皇十一子成哲親王永理少字鏡泉後號少厂又號卽齋乾隆十七年壬申二月初七日辰時生嘉貴妃金氏卽淑嘉皇貴妃出爲皇八子永璇同母第四十九年正月侍駕南巡五十四年十一月封成親王明年二月侍駕東巡六十年九月授總譜達管滿州都統事嘉慶四年正月授軍機大臣總理戶部三庫事務六月授領侍衛內大臣七月辭管部務十月以親王值軍機非祖制罷軍機大臣十二月命在內廷行走五年十一月授左宗正七年十二月論前贊襄機務功加給其子一貝勒爵十八年九月以禁中禦賊功寬免一切處分十九年八月詔令自選所書刻石賜名詒晉齋帖二十四年五月以事罰俸奪各項差使停其朝請明年七月遺詔解免處分十月宣宗以王屬尊行免宴見行叩拜禮十一月仍

在內廷行走道光三年癸未三月三十日午刻卒年七十有二諡哲著有聽雨書屋詩集詒晉齋集倉龍集子七人

皇十二子贈貝勒永璣乾隆十七年壬申四月二十五日寅時生皇后烏拉納喇氏卽追降皇后出四十一年丙申正月二十八日丑刻卒年二十五嘉慶四年三月追封貝勒有日課詩稿

皇十三子永璘乾隆二十年乙亥十二月二十一日卯時生皇后烏拉納喇氏卽追降皇后出二十二年丁丑七月二十四日子刻殤年三歲

皇十四子永璐乾隆二十二年丁丑七月十七日午時生令妃魏氏卽贈孝儀純皇后出二十五年庚辰三月初八日酉刻殤年四歲

皇十五子卽仁宗

皇十六子乾隆二十七年壬午十一月三十日丑時生令貴妃魏氏卽贈孝儀純皇后出未命名三十年乙酉三月十七日戌刻殤年四歲

皇十七子慶僖親王永璘乾隆三十一年丙戌五月十一日子時生皇貴妃魏氏卽贈孝儀純皇后出爲仁宗同母弟四十九年正月侍駕南巡五十四年十一月封貝勒明年二月侍駕東巡嘉慶四年正月晉惠郡王旋改爲慶郡王二十五年庚辰三月病亟特晉親王旋於是月十三日卯刻卒年五十有五諡僖子六人

仁宗睿皇帝

皇長子贈穆郡王乾隆四十四年己亥十二月二十九日巳時生

潛邸側妃劉佳氏卽和裕皇貴妃出未命名四十五年庚子三月初六日申刻殤年二歲嘉慶二十五年八月宣宗立追封爲穆郡王

皇二子卽宣宗

皇三子惇恪親王綿愷乾隆六十年乙卯六月二十二日寅時生潛邸側妃鈕祜祿氏卽孝和睿皇后出嘉慶二十四年正月封惇郡王明年七月晉親王道光三年正月以事罰俸六年二月授宗令七年十月以比昵匪人降郡王奪宗令明年十月仍晉親王十六年十一月再授宗令十八年戊戌五月再奪宗令六月再降郡王並罰俸十二月初四日丑刻卒年四十有四仍追還親王諡恪子二人

皇四子瑞懷親王綿忻嘉慶十年乙丑二月初九日子時生孝和
睿皇后鈕祜祿氏出爲皇三子綿愷同母第二十四年正月封瑞
親王明年七月扈駕木蘭道光八年戊子八月十九日巳刻卒年
二十有四諡懷子一人

皇五子惠端親王綿愉嘉慶十九年甲戌二月二十七日丑時生
如妃鈕祜祿氏卽恭順皇貴妃出二十五年七月封惠郡王道光
九年賜食全俸十九年正月晉親王三十年二月文宗以王屬尊
行免宴見行叩拜禮咸豐三年九月賜御用龍袿授奉命大將軍
督辦畿輔防勦五年四月以北路肅清從優議敘同治元年二月
兩宮皇太后命照料弘德殿皇帝讀書事務三年甲子十二月十
二日巳刻卒年五十有一諡端著有愛日齋集子六人

宣宗成皇帝

皇長子贈隱志郡王奕緯嘉慶十三年戊辰四月二十一日未時生潛邸宮女子納喇氏卽和妃出二十四年正月封貝勒宣宗登極後仍居皇子位道光十一年辛卯四月十二日未刻卒年二十四以皇子例治喪復追封貝勒五月賜諡隱志三十年正月文宗立追晉爲郡王仍諡隱志無子以從子爲嗣

皇二子贈順和郡王奕綱道光六年丙戌十月二十三日亥時生靜嬪博爾濟錦氏卽孝靜成皇后出七年丁亥二月初八日未刻殤年二歲三十年正月文宗立追封爲順郡王諡和

皇三子贈慧賢郡王奕繼道光九年己丑十一月初七日午時生靜妃博爾濟錦氏卽孝靜成皇后出十二月二十八日戌刻殤三

十年正月文宗立追封爲慧郡王諡質

皇四子卽文宗

皇五子惇勤親王奕諒道光十一年辛卯六月十五日辰時生祥
妃鈕祜祿氏出二十六年正月出繼爲惇恪親王綿愷子降襲惇
郡王咸豐四年四月授漢軍都統五年三月以事降貝勒六年正
月復晉郡王八年五月授領侍衛內大臣十年正月晉親王十一
年七月免召對宴賚行叩拜禮十月命管武備院事旋免奏事書
名同治元年二月充弘德殿總誥達四年六月授宗令十一年九
月賜紫禁城內乘四人肩輿十三年十二月德宗登極仍免召對
叩拜奏事書名光緒元年十二月病假十二年正月命免一切行
禮差使十五年己丑正月十九日卯刻卒年五十有九諡勤子八

人

皇六子恭忠親王奕訢號鑑園主人道光十二年壬辰十一月二十一日丑時生靜妃博爾濟錦氏卽孝靜成皇后出三十年正月宣宗大漸特遺旨封爲恭親王咸豐二年四月分府仍內廷行走三年九月署領侍衛內大臣十月授軍機大臣四年二月兼蒙古都統四月授右宗正九月遷宗令五年正月命總理行營事務四月北路肅清予優敘七月以辦理孝靜皇后喪儀疏略罷軍機大臣及諸職任仍在上書房讀書七年五月復授蒙古都統九年四月加授內大臣十年八月文宗北狩命留守京師特授欽差便宜行事全權大臣督辦和局十二月命管理總理各國通商事務衙門十一年七月穆宗嗣位免宴見行叩拜禮旋赴熱河叩謁文宗

梓宮十月加號議政王賜食親王雙俸復授軍機大臣兼任宗令
管宗人府銀庫免奏事書名十二月命管神機營事務同治元年
二月兩宮皇太后命稽察弘德殿課程三年七月論辦理樞務勞
加賜其子一貝勒爵四年三月以事奪議政王號及一切差使旋
仍命管總理衙門事務在內廷行走四月仍命充軍機大臣六月
命總理行營事務七年二月西捻逼畿輔命節制各路赴援統兵
大臣閏四月授右宗正十一年九月賜其爵世襲罔替十三年七
月晦日以事降郡王奪世襲八月朔日還親王世襲如故十二月
德宗嗣位仍免召對叩拜奏事書名光緒元年十二月署宗令十
年三月詔以屢被論劾罷軍機大臣歸第養病停雙俸十二年十
月復雙俸十五年正月賜增護衛十六年正月賜增甲數二十年

正月慈禧皇太后賜御書扁額再增護衛九月復起管理總理各國通商事務衙門十月命兼管海軍督辦討倭軍務十一月復授軍機大臣二十四年戊戌二月署宗令四月初十日戌刻卒年六十有七諡曰忠入祀京師賢良祠特旨配享太廟德宗爲持服十五日著有樂道堂集子四人

皇七子醇賢親王奕譞號樸菴是爲德宗景皇帝本生父宣統帝本生祖父道光二十年庚子九月二十一日子時生貴人烏雅氏卽莊順皇貴妃出三十年正月文宗卽位封爲醇郡王咸豐九年三月分府仍內廷行走十年正月賜銀三千兩十一年七月穆宗嗣位免宴見行叩拜禮八月授滿州都統十月授御前大臣領侍衛內大臣旋免奏事書名十二月命管神機營事務同治三年七

月加親王銜四年三月兩宮皇太后命稽察弘德殿皇帝讀書事務五月命籌辦京防十一年九月晉醇親王十二年正月穆宗親政罷弘德殿行走十三年十二月德宗入承大統兩宮皇太后賜其爵世襲罔替並免朝會行禮有大政事備顧問光緒元年十二月命照料毓慶宮皇帝讀書事務五年二月賜食親王雙俸十年三月特命商辦軍機處緊要事件十月慈禧皇太后賜御書扁額十一年九月命總理海軍衙門事務節制沿海水師十二年三月賜乘杏黃轎十四年九月獻還太平湖賜第別給新第十五年正月德宗大婚禮成加增護衛給帑修第二月德宗親政免奏事列銜十六年庚寅正月加增甲數十一月二十一日丑刻卒年五十有一諡曰賢詔定稱號曰皇帝本生考醇賢親王德宗持服期年

十八年四月以親王禮葬京師西山妙高峯園寢廟制祀典用天子之禮三十四年十一月宣統帝既嗣位詔定稱號曰皇帝本生祖考醇賢親王子七人

皇八子鍾端郡王奕詒道光二十四年甲辰正月初六日寅時生琳妃烏雅氏卽莊順皇貴妃出爲皇七子奕譞同母第三十年正月文宗卽位封爲鍾郡王咸豐十年正月賜銀千兩十一年七月穆宗嗣位免宴見行叩拜禮十月免奏事書名同治三年四月分府仍在內廷行走七月給紀錄四次七年戊辰十一月初四日寅刻卒年二十有五諡端無子以從子爲嗣

皇九子親王銜孚敬郡王奕譔道光二十五年乙巳十月十六日寅時生琳妃烏雅氏卽莊順皇貴妃出爲皇八子奕詒同母第三

十年正月文宗卽位封爲孚郡王咸豐十年正月賜銀二千兩十一年七月穆宗嗣位免宴見行叩拜禮十月免奏事書名同治三年四月分府仍在內廷行走七月給紀錄四次尋命管樂部事十一年六月授內大臣九月加親王銜十二年十二月賜銀三千兩十三年十二月德宗嗣位仍免宴見叩拜奏事書名光緒三年丁丑二月初八日申刻卒年三十有三諡敬以族子爲嗣

文宗顯皇帝

皇長子卽穆宗

皇二子贈懋郡王咸豐八年戊午二月初五日丑時生貴人徐佳氏卽玫貴妃出未命名旋殤十一年十二月穆宗卽位追封爲懋郡王

入嗣皇子卽德宗

穆宗毅皇帝

廢入嗣皇子溥儻宣宗子惇勤親王奕琮之親孫原封瑞郡王載漪之第二子也光緒十一年乙酉十二月初二日亥時生二十五年正月賜頭品頂戴十二月慈禧皇太后援立爲穆宗嗣皇子號大阿哥在弘德殿讀書二十七年十月以載漪旣獲罪廢之仍令歸宗

入嗣皇子卽宣統帝

德宗景皇帝

兼祧皇子卽宣統帝

清皇室四譜卷四

丹陽唐邦治輯

皇女

顯祖宣皇帝

皇女贈和碩公主宣皇后喜塔臘氏出為太祖同母妹明萬曆十

一年癸未八月嫁伊爾根覺羅氏噶哈善哈斯虎明年正月夫亡

噶哈善哈斯虎為蘇克蘇濟河部嘉穆瑚寨主癸未年來附太祖

妻以親妹明年正月被太祖再從父龍敦與太祖繼母之弟薩木

占同謀劫殺於路太祖後再嫁郭囉羅氏常書人稱為沾河公主

收葬其骸骨為之復仇已生三子萬曆三十五年憎常書不仁欲與離異太祖不許遂絕

常書不復面天命八年癸亥九月卒於遼陽雍正五年四月常書

玄孫都統鄂繕乞補封號詔追封為和碩公主常書一作尚書又

作常舒為蘇克蘇

皇女

一

待之如初
尋亦卒

太祖高皇帝

皇長女固倫公主明萬曆六年戊寅二月二十二日戌時生元妃
佟佳氏出為廣略貝勒褚英禮烈親王代善同母姊十六年戊子
年十一嫁棟鄂氏和和禮稱為東果格格亦稱東果公主天命九
年八月夫亡順治九年壬辰七月卒年七十五和和禮一作何和里明嘉靖四十四年乙丑生為棟鄂部長亦稱為東果部長戊子年來附時年二十八已有妻太祖復以女妻之授一等大臣天命時授總兵後稱為三等子九年甲子八月卒年六十順治時追謚溫順

皇二女和碩公主明萬曆十五年丁亥生側妃伊爾根覺羅氏出
為饒餘親王阿巴泰同母姊天命初年三十餘嫁郭囉羅氏額駙
常書子都統達爾漢稱嫩哲格格亦稱沾河公主順治元年四月

夫亡三年丙戌七月卒年六十二達爾漢一作達喇哈明萬曆二十二年甲午生母太祖妹也積功封

至一等子官都統崇德六年十月削職順治元年甲申四月卒年五十一

按皇二女下嫁之年玉牒實錄俱未載即達兩漢本傳詞亦揮括考萬曆庚子辛丑間達爾漢年方髫稚勢絕婚娶且庚戌年達爾漢從征行間尙未稱爲額駙天命四年突見額駙字殆天命初始偶皇女矣皇三女辛丑已嫁姊轉遲行十餘年未詳何故又按奉天老檔譯文天命二年十二月太祖曰大臣巴圖魯伊拉喀當初與朕相處實未効力吾不思其過令其爲臣又以女妻之伊終不効力且無端棄妻恐後生變遂殺之此女未知即皇二女否然其事頗與嫁達爾漢之年相接也

皇三女名莽古濟

玉牒不載皇三女故生年無考以莽古爾泰繼生年推之知必生於明萬曆十七八年間也

妃富察氏出為原封貝勒莽古爾泰同母妹明萬曆二十九年辛

丑正月嫁已滅哈達部落納喇氏吳爾古代尋太祖被明責言遣

吳爾古代夫婦還居故部三十一年數被葉赫侵略又值歲饑吳

爾古代夫婦復來婦依太祖人稱皇女為哈達公主亦稱哈達格

格天命末夫亡

吳爾古代一作烏爾瑚達明實錄譯為吾兒虎答為哈達萬汗之孫貝勒孟格布祿即明實錄之猛

骨孛羅之子也太祖既滅哈達殺孟格布祿留吳爾古代不遣妻以女後授以副將天命六年五月命與李永芳率兵千人往鎮江

諭降未數年卒天聰元年十二月復嫁敖漢部博爾濟錦氏瑣諾木杜梭

賜以開原之地九年乙亥九月以驕暴削格格號為民禁與親戚

家往來十二月以被家奴冷僧機首告先與亡兄莽古爾泰等謀

逆伏誅年未五十其二女一適豪格至是豪格殺之一適岳託岳

託亦欲殺之爲太宗所阻而止

瑣諾木杜稜元太祖二十世孫天聰元年六月來附先已娶託古之

妹至是太宗復妻以寡姊二年四月賜號濟農九年九月格格罪誅免瑣諾木杜稜連坐惟削濟農號爲民順治元年甲申卒五年

追封爲敖漢部多羅郡王

皇四女革和碩公主名穆庫什明萬曆二十三年乙未生庶妃嘉

穆瑚覺羅氏出爲鎮國公巴布泰同母妹三十六年戊申年十四

九月嫁烏拉部落納喇氏貝勒布占泰布占泰賤媵畜之四十年

復欲射以鳴鏑太祖聞而率兵往征取皇四女以歸布占泰烏拉貝勒滿泰之

弟實太祖大妃之叔父也明萬曆二十一年戰敗爲太祖所禽二十

四年縱還二十六年妻以弟舒爾哈齊女三十一年再妻以舒爾哈齊女三十六年更求太祖親女以皇四女與之至是先後與

之三女及四十年太祖往征明年滅其部落布占泰遁走葉赫死

後復嫁鈕祜祿氏巴圖魯額亦都第八子圖爾格格稱和碩格格亦稱和碩公主崇德二年五月坐女貝子尼堪妻有罪革和碩公主

與圖爾格離異歸兄巴布泰弟巴布海養贍順治十六年己亥五

月卒年六十五圖爾格官吏部承政天聰十年封一等男崇德二

軍功復世職授內大臣八年十月積功累晉三等公順治

二年乙酉卒諡忠義雍正九年三月晉贈三等果毅公世襲

皇五女明萬曆二十五年丁酉生庶妃嘉穆瑚覺羅氏出為皇四

女同母妹三十六年戊申年十二嫁鈕祜祿氏巴圖魯額亦都之

子黨奇未幾夫死四十一年癸丑四月卒年十有七黨奇一作達

親弟也既娶皇五女恃寵驕慢父額亦都怒而殺之以告太祖原而不罪

皇六女明萬曆二十八年庚子生庶妃嘉穆瑚覺羅氏出為皇五

女同母妹四十一年癸丑年十四嫁葉赫納喇氏蘇鼎崇德五年

三月夫亡順治三年丙戌九月卒年四十七蘇鼎一作蘇納孝慈

至都統給世職天聰九年正月坐隱匿

壯丁革世職崇德五年庚辰三月卒

皇七女鄉君品級明萬曆三十二年甲辰三月初十日子時生庶

妃伊爾根覺羅氏出天命四年己未年十六十月嫁納喇氏騎都

尉鄂托伊崇德六年四月夫亡康熙二十四年乙亥四月卒年八

十有二鄂托伊崇德六年辛巳四月陣亡

皇八女和碩公主明萬曆四十年壬子十二月初七日戌時生側

妃葉赫納喇氏出天命十年乙丑年十四正月嫁喀爾喀博爾濟

錦氏台吉固爾布錫順治三年丙戌二月卒年三十五固爾布錫與額駙恩

格德里同族明萬曆二十五年丁酉生天命六年來附太祖妻以幼女賜號青卓禮克圖授三等子天聰五年擢兵部承政順治七

年五月累晉一等子八年正月坐附英親王阿濟格逆謀削爵九年十一月復封原爵十八年辛丑正月卒年六十五諡襄武

和碩公主太祖弟贈莊親王舒爾哈齊第四女明萬曆十八年

庚寅六月二十一日生繼福晉瓜爾佳氏出天命初撫養宮中

封郡主二年丁巳年二十八二月嫁喀爾喀博爾濟錦氏巴約

特部台吉恩格德里稱巴約特格格九年正月棄其部來居東

京後封和碩公主崇德元年五月夫亡順治六年己丑四月卒

年六十恩格德里明萬曆三十三年來附天命二年娶公主九

券後游任內大臣封三等子崇德元年丙子五月卒

和碩公主太祖從子台吉後封恪僖貝勒圖倫第二女明萬曆

四十年壬子七月十六日午時生夫人王佳氏出天命間撫養

宮中號肫哲公主十一年丙寅年十五五月嫁科爾沁博爾濟

錦氏台吉奧巴六月奧巴歸國十月遣人來迎公主天聰六年

九月夫亡奧巴元太祖弟巴圖薩哈之裔天命十一年五月來

朝時已有妻太祖復妻以從孫女六月與之誓賜以

土謝圖汗號天聰二年抗不會兵攻明遣使詰責三年

正月來朝遂服六年壬申九月卒特遣使以牛祭之復從夷

俗爲巴達禮妻崇德元年三月偕巴達禮來朝五月還國二年

七月遣使封和碩公主順治五年戊子卒年三十七巴達禮亦博爾濟錦

氏初爲台吉天聰七年十二月賜號土謝圖濟農崇德元年三月來朝四月封土謝圖親王二年五月賜儀仗康熙十年辛亥

卒

太宗文皇帝

皇長女固倫公主天命六年辛酉三月十二日生繼妃烏拉納喇

氏出爲肅親王豪格同母妹天聰七年癸酉年十三正月嫁敖漢

部博爾濟錦氏台吉班第稱敖漢公主順治十一年甲子正月卒

年三十四班第太祖女婿索諾木杜梭弟子崇德元年四月封敖漢郡王順治二年十月來朝十三年丙申正月卒年三

十餘

皇二女固倫溫莊長公主名馬喀塔天命十年乙丑八月初九日

生孝端文皇后博爾濟錦氏出天聰九年九月許字察哈爾博爾

濟錦氏故林丹汗子額爾孔果洛額哲崇德元年丙子年十二正

月出嫁尋號為固倫公主六年正月夫亡太宗命攜其夫喪歸藩

額哲天命七年壬戌生天聰九年九月隨母蘇泰福晉來降崇德

元年正月妻皇二女其母蘇泰福晉亦嫁濟爾哈朗為妻四月封

額哲察哈爾親王六年辛酉正月二十順治二年乙酉十月復嫁

三日卒年二十依夷俗火焚其尸殮之額哲弟阿布鼐八年九月歸藩十三年九月至京師明年二月封

固倫長公主十六年十二月封永甯長公主後改封今號康熙二

年癸卯三月卒年三十九阿布鼐順治五年二月襲兄額哲遺爵

卒阿布鼐又娶安親王岳樂女康熙八年五月以負恩失禮削爵

繫盛京仍以阿布鼐與公主所生子布爾尼襲爵十四年三月布

爾尼及弟羅不藏謀劫其父遂叛五月布爾尼兄弟被鄰部擊殺

阿布鼐亦奉旨絞死盛京仍詔收葬布爾尼等於公主墳園岳樂

女遣歸母家

皇三女固倫端靖長公主天聰二年戊辰七月初三日生孝端文
皇后博爾濟錦氏出爲皇二女同母妹初號爲固倫公主崇德三
年十二月受孝端皇后母家從孫奇他特聘四年己卯年十二正
月出嫁八年八月賜封號冊文儀仗順治八年閏二月夫亡十三
年九月至京師明年二月晉封固倫長公主十六年十二月封延
慶長公主後改封今號康熙二十五年丙寅五月卒年五十有九
奇他特孝莊文皇后兄索諾穆子也崇德八年八月來朝賜固倫
額駙儀仗順治六年九月封科爾沁郡王八年辛卯閏二月卒
皇四女固倫雍穆長公主名雅圖天聰三年己巳正月初八日午
時生孝莊文皇后博爾濟錦氏出爲世祖同母姊初號爲固倫公
主天聰七年五月許字孝莊皇后兄卓禮克圖親王吳克善子弼
爾塔哈爾旣而吳克善有罪太宗怒欲絕其婚崇德五年四月吳

克善服罪來朝仍許婚如故六年辛巳公主年十三正月出嫁五

月命偕額駙還其游牧八年八月賜封號冊文儀仗順治十三年

九月至京師明年二月晉封固倫長公主十六年十二月封興平

長公主後改封今號康熙六年五月夫亡十七年戊午閏三月卒

年五十弼爾塔哈爾崇德八年八月賜固倫額駙儀仗康熙五年十一月襲父爵封親王六年丁未五月卒

皇五女固倫淑慧長公主名阿圖天聰六年壬申二月十二日亥

時生孝莊文皇后博爾濟錦氏出為皇四女同母妹崇德六年正

月許字喀爾喀博爾濟錦氏額駙恩格德里之子索爾哈八年癸

未年十二八月出嫁順治初夫亡索爾哈崇德元年五月襲兄額爾克代青之三等甲喇章京即

三等輕車都尉五年戊子二月復下嫁巴林博爾濟錦氏輔國公

色布騰人稱巴林公主十四年二月封固倫長公主十六年十二

月封和順長公主後改封今號康熙七年二月夫亡十二年五月
孝莊皇后有疾聖祖遣使迎至京師後復屢至三十一年十月詔
設護衛長史視貝勒例三十九年庚辰正月初十日卒於京師年

六十有九歸葬藩部色布騰元太祖二十一世孫順治五年二月
封輔國公七年八月晉封巴林郡王八年來

朝康熙七年
戊申二月卒

皇六女固倫公主天聰七年癸酉十一月十五日子時生側妃札

嚕特博爾濟錦氏出號爲固倫公主崇德六年五月許字伊爾根

覺羅氏都統阿山之子夸札順治元年甲申年十二月下嫁

六年己丑三月卒年十七夸札順治五年七月以罪
罰緩六年己丑四月卒

皇七女固倫端獻長公主天聰七年癸丑十一月十六日未時生

孝莊皇文后博爾濟錦氏出爲皇五女同母妹初號淑哲公主崇

德六年二月許字博爾濟錦氏內大臣俄齊爾桑之子鏗吉爾格

鏗吉爾格一作鏗格爾耿順治二年乙酉年十三正月下嫁俄齊爾桑之子喇

麻思五年戊子二月卒年十六十三年六月賜諡端獻長公主喇麻

思事蹟未詳

按俄齊爾桑傳止云順治二年子喇麻思尙主未言鏗吉爾

格而玉牒皇七女下又祇云順治二年正月嫁鏗吉爾格不

言喇麻思然實錄固屢見喇麻思矣玉牒又云額駙六年三

月卒爲指鏗吉爾格則情事不合竊疑旣皆云俄齊爾桑之

子或一人先後異名否則許其兄兄卒而與其弟耶若然則

順治六年卒者乃喇麻思也

皇八女固倫端貞長公主天聰八年甲戌閏八月十六日酉時生

孝端文皇后博爾濟錦氏出爲皇三女同母妹初號爲固倫公主
崇德六年三月許字科爾沁博爾濟錦氏額駙土謝圖親王巴達
禮長子巴雅斯護朗順治二年乙酉年十二四月下嫁九月還藩
部十三年九月至京師明年二月封固倫長公主十六年十二月
封昌樂長公主後改封固倫永安長公主康熙十一年八月夫亡

三十一年壬申正月卒年五十有九賜諡端貞長公主

巴雅斯護朗康熙十

一年壬子五月襲父爵封土謝圖親王八月卒

皇九女天聰九年乙亥九月二十六日戌時生側妃札嚕特博爾

濟錦氏出爲皇六女同母妹順治五年戊子年十四九月下嫁博

爾濟錦氏哈尙八年四月夫亡九年壬辰三月卒年十八

哈尙順治八年

辛卯四月卒

皇十女縣君天聰九年乙亥十月二十一日辰時生庶妃納喇氏

出為鎮國公高塞同母姊順治八年辛卯年十七八月下嫁瓜爾

佳氏前封一等公輝塞十月夫亡十八年辛丑八月卒年二十七

輝塞追封一等雄勇公原封一等公圖賴之子順治四年六月襲父爵封一等公明年三月緣事削爵八年辛卯既尚皇女旋於是

年十月卒九年正月追復原爵

皇十一女固倫端順長公主崇德元年丙子三月二十五日未時

生懿靖貴妃阿魯阿霸垓博爾濟錦氏出初號為固倫公主順治

四年丁亥年十二月下嫁阿霸垓部博爾濟錦氏噶爾瑪索

諾木七年庚寅七月卒年十五三年六月賜諡端順長公主噶爾

瑪索諾木順治八年閏八月封一等子公主卒後復以禮烈親王代善女妻之十四年六月加少保兼太子太保康熙三年甲辰卒

皇十二女鄉君品級崇德二年丁丑三月十五日未時生庶妃出

順治八年辛卯年十五八月下嫁博爾濟錦氏頭等侍衛班第康

熙十七年戊午十月卒年四十二班第初充頭等侍衛康熙十年遷理藩院侍郎三十年累遷理

藩院尚書三十九年庚辰卒

皇十三女崇德三年戊寅七月初七日子時生庶妃納喇氏出為

皇十女同母妹順治九年壬辰年十七二月下嫁瓜爾佳氏副都

統拉哈十四年丁酉四月卒年二十拉哈事蹟卒年皆未詳

皇十四女和碩恪純長公主崇德六年辛巳十二月初七日丑時

生庶妃察哈爾奇壘氏出初號為和碩公主順治十年癸巳年十

三八月下嫁平西王吳三桂子應熊十四年二月晉封和碩長公

主十六年十二月封建甯長公主後改封恪純長公主康熙十三

年四月夫被誅十九年五月有疾聖祖慰藉特厚四十三年甲申

十二月卒年六十有三月應熊既尚主仍留侍京師順治十一年二月授三等子十四年六月加少保兼太子太保康熙七年正月晉少傅兼太子太傅十二年十一月父三桂反明年甲寅四月詔執應熊並其子世霖縲首死稍幼者俱沒入官

和碩公主太宗兄子克勤郡王岳託第一女明萬曆四十三年

乙卯二月初二日亥時生福晉哈達納喇氏出實莽古濟格格

之外孫女也太宗撫為己女號和碩公主天聰二年戊辰年十

四正月嫁孝莊文皇后兄科爾沁博爾濟錦氏台吉曼珠習禮

七年五月歸甯生子京師尋還藩部崇德二年丁丑七月遣大

學士范文程往游牧冊封今位號旋於是月十九日卒年二十

三復遣大學士希福前往弔祭曼珠習禮天聰二年九月賜號達爾漢巴圖魯崇德元年四月

以功封多羅巴圖魯郡王二年七月妻十四年七月續娶安平貝勒杜度妹多羅濟爾格格格順治十六年五月晉封和碩達爾

漢親王康熙
四年乙巳卒

世祖章皇帝

皇長女順治九年壬辰三月十五日子時生庶妃陳氏出十年癸巳十月殤年二歲

皇二女和碩恭愨長公主順治十年癸巳十二月初二日子時生庶妃楊氏出初封和碩公主康熙六年丁未年十五二月下嫁瓜

爾佳氏訥爾杜八年五月遘家難二十四年乙丑十月卒年三十

三 訥爾杜少傅領侍衛內大臣巴哈子太師輔政大臣鼇拜從子也康熙八年五月因鼇拜得罪與父巴哈俱革職為民復起用十五年正月加太子少師卒年未詳

皇三女順治十年癸巳十二月十三日辰時生庶妃巴氏出十五年戊戌三月殤年六歲

皇四女順治十一年甲午十二月初二日子時生庶妃烏蘇氏出
十八年辛丑三月殤年八歲

皇五女順治十一年甲午十二月三十日戌時生庶妃王氏出十
七年庚子十二月殤年七歲

皇六女順治十四年丁酉十月初六日子時生庶妃納喇氏出十
八年辛丑二月殤年五歲

和碩和順公主世祖兄承澤親王碩塞第二女順治五年戊子
八月二十二日生嫡福晉納喇氏出後撫養宮中十七年庚子

年十三六月封和碩公主下嫁平南敬王尙可喜第七子之隆
後賜封今位號康熙三十年辛未十一月卒年四十四之隆順治十五年

年封三等子康熙七年正月加太子少師十五年兄之信應吳
三桂反詔免之隆連坐仍加太子太保四十一年游授領侍衛

內大臣五十七
年戊戌二月卒

固倫端敏公主世祖從兄簡親王濟度第二女順治十年癸巳

六月十三日卯時生福晉科爾沁博爾濟錦氏出撫養宮中封

和碩端敏公主康熙九年庚戌年十八九月下嫁科爾沁博爾

濟錦氏額駙達爾漢親王曼珠習禮之孫班第四十九年五月

夫亡雍正元年二月晉封今位號七年己酉五月十八日卒年

七十有七

班第一一作巴岱康熙十年三月襲父和塔爾封
科爾沁達爾漢親王四十九年庚申五月卒

和碩柔嘉公主世祖從兄安郡王岳樂第二女順治九年壬辰

五月初六日子時生繼福晉納喇氏出撫養宮中封今位號康

熙二年癸卯年十一月下嫁靖南王耿精忠之第三等子

聚忠十二年癸丑七月卒年二十二

聚忠順治十五年封三等子留侍京師康熙七年正

月加太子少師十三年兄精忠應吳三桂反四月詔執聚忠繫獄明年七月釋之復官職如故十五年正月加太子太保二十六年丁卯二月卒諡愨敏

聖祖仁皇帝

皇長女康熙七年戊申十一月二十六日亥時生庶妃張氏出十年辛亥十一月殤年四歲

皇二女康熙十年辛亥三月初九日子時生庶妃董氏卽端嬪出十二年癸丑二月殤年三歲

皇三女固倫榮憲公主康熙十二年癸丑五月初六日寅時生庶妃馬佳氏卽榮妃出爲誠隱郡王允祉同母姊三十年辛未年十九六月封和碩榮憲公主下嫁巴林博爾濟錦氏額駙色布騰之孫烏爾滾明年十月詔設護衛長史如貝勒制四十八年歸寧三

月晉封今位號六十年二月夫亡雍正六年戊申四月二十一日

卒年五十有六烏爾滾淑慧長公主所生鄂齊爾之子康熙四十二年襲封巴林郡王五十八年正月命從征西陲

六十年辛丑二月卒於軍

皇四女康熙十三年甲寅二月初十日酉時生庶妃張氏出十七

年戊午十二月殤年五歲

皇五女和碩端靜公主康熙十三年甲寅五月初六日巳時生貴

人兆佳氏出三十一年壬申年十九十月封今位號下嫁烏梁罕

氏喀喇沁杜稜郡王札什之子噶爾臧旋詔設護衛長史如貝勒

制四十九年庚寅三月卒年三十有七噶爾臧元臣濟拉瑪之裔康熙四十二年四月襲封

喀喇沁杜稜郡王五十年以罪削爵六十年壬寅三月卒

皇六女固倫恪靖公主康熙十八年己未五月二十七日寅時生

貴人郭囉羅氏出三十六年丁丑年十九十一月封和碩公主下

嫁博爾濟錦氏喀爾喀郡王敦多布多爾濟四十五年封和碩恪

靖公主雍正元年二月晉今位號八年閏四月夫亡十三年乙卯

三月卒年五十有七敦多布多爾濟康熙三十一年襲封郡王後晉親王四十年緣事仍降郡王雍正元年

二月以軍功復晉親王八年庚戌閏四月卒

皇七女康熙二十一年壬戌六月初一日卯時生德妃烏雅氏即

孝恭仁皇后出八月殤

皇八女康熙二十二年癸亥六月十九日巳時生皇貴妃佟氏即

孝懿仁皇后出閏六月殤

皇九女晉贈固倫溫憲公主康熙二十二年癸亥九月二十二日

寅時生德妃烏雅氏即孝恭仁皇后出為世宗同母妹三十九年

庚辰年十八九月封和碩溫憲公主下嫁佟氏舜安顏四十一年

壬午七月卒年二十雍正元年三月追晉今位號舜安顏孝懿仁皇后母家從子

元舅佟國維之孫也康熙四十八年二月以黨附皇八子允禩削額駙禁錮於家後釋免雍正二年十一月命總理三陵事務授領

侍衛內大臣尋卒

皇十女晉贈固倫純愨公主康熙二十四年乙丑二月十六日午

時生庶妃納喇氏即通嬪出四十五年丙戌年二十二五月下嫁

博爾濟錦氏喀爾喀台吉策凌十一月封和碩純愨公主四十九

年庚寅三月二十四日卒年二十六葬之京師郊外雍正十年十

二月以策凌建立殊勳追晉今位號策凌一作策麟元太祖第四子之裔雍正元年二月以西

陞軍功封喀爾喀郡王五年八月命與俄使定界約九年十月再

以軍功晉親王十年九月以大敗噶爾丹策零於厄爾得尼招即

光顯寺賜號超勇親王十一年五月授定邊左副將軍乾隆十五年

廟並入祀京師賢良祠

皇十一女康熙二十四年乙丑九月二十七日申時生溫僖貴妃

鈕祜祿氏出明年丙寅五月殤年二歲

皇十二女康熙二十五年丙寅閏四月二十四日午時生德妃烏

雅氏即孝恭仁皇后出三十六年丁丑閏三月殤年十二歲

皇十三女和碩溫恪公主康熙二十六年丁卯十一月二十七日

丑時生庶妃章佳氏即敬敏皇貴妃出為怡賢親王允祥同母妹

四十五年丙戌年二十七月封今位號下嫁博爾濟錦氏翁牛特

杜梭郡王倉津四十八年己丑六月卒年二十三倉津初名班第後賜今名康熙

三十二年四月襲封郡王雍正五年八月以擅請準噶爾使入藏熬茶論罪削爵

皇十四女和碩懋靖公主康熙二十八年己巳十二月初七日亥

時生貴人袁氏出四十五年丙戌年十八封今位號五月下嫁散秩大臣一等男孫承運五十八年五月夫亡乾隆元年丙辰十一

月卒年四十有八承運振武將軍甘肅提督孫思克之子康熙三十九年八月襲父遺爵封一等男五十八年己

亥五月卒

皇十五女和碩敦恪公主康熙三十年辛未正月初六日寅時生庶妃章佳氏即敬敏皇貴妃出為皇十三女同母妹封今位號四

十七年戊子年十二月下嫁科爾沁博爾濟錦氏台吉多爾

濟明年己丑歸寧京師十二月初三日申刻卒年十有九多爾濟

十八年十二月以罪革額駙仍給台吉品級五十九年庚子十一月卒

皇十六女康熙三十四年乙亥十月二十一日丑時生庶妃王氏

出四十六年丁亥四月殤年十三歲

皇十七女康熙三十七年戊寅十二月十二日丑時生庶妃劉氏
出三十九年庚辰十一月殤年三歲

皇十八女康熙四十年辛巳十月十八日巳時生和嬪瓜爾佳氏
卽惇怡皇貴妃出尋殤

皇十九女康熙四十二年癸未二月十四日巳時生庶妃高氏卽
襄嬪出四十四年乙酉二月殤年三歲

皇二十女康熙四十七年戊子十一月初九日生庶妃鈕祜祿氏
出十二月殤

固倫純禧公主聖祖弟恭親王常寧第一女康熙十年辛亥十
一月二十八日丑時生庶福晉晉氏出撫養宮中二十九年庚
午年二十三三月封和碩純禧公主下嫁博爾濟錦氏頭等台吉

班第三十一年十月詔設護衛長史如貝勒制雍正元年二月
晉封今位號四年六月夫亡乾隆六年辛酉病篤回旗十二月
初七日卒年七十有一班第一作般迪固倫額駙科爾沁郡王奇他特從孫累官內大臣都統右翼前
鋒統領雍正四年丙午六月初九日卒乾隆十八年二月追諡恭勤

世宗憲皇帝

皇長女康熙三十三年甲戌三月十六日丑時生藩邸格格宋氏
卽懋嬪出未逾月殤

皇二女贈和碩懷恪公主康熙三十四年乙亥七月初六日未時
生藩邸側妃李氏卽齊妃出五十一年壬辰年十八三月封郡君
七月晉郡主九月下嫁納喇氏星德五十六年丁酉三月卒年二
十三雍正元年三月追晉今位號星德一作性德又作興德雍正十二年十一月給十年俸命往

達里剛愛操練蒙古兵丁乾隆元年正月召還四年己未四月卒

皇三女康熙四十五年丙戌十二月初五日申時生藩邸格格宋氏即懋嬪出未逾月殤

皇四女康熙五十四年乙未三月十二日酉時生雍邸側妃年氏即敦肅皇貴妃出五十六年丁酉五月殤年三歲

和碩淑慎公主世宗兄廢太子允禔第六女康熙四十七年戊子正月初二日丑時生側福晉唐氏出雍正初撫養宮中四年

丙午年十九十二月下嫁科爾沁博爾濟錦氏觀音保封今位號十三年二月夫亡乾隆四十九年甲辰九月初十日亥刻卒

年七十有七觀音保孝惠章皇后母家從孫雍正十一年八月授理藩院額外侍郎十三年乙卯二月卒

和碩和惠公主世宗弟怡親王允祥第四女康熙五十三年甲

午十月初十日寅時生福晉兆佳氏出雍正初撫養宮中七年

己酉年十六十二月下嫁喀爾喀博爾濟錦氏多爾濟塞布騰

封今位號九年辛亥十月初三日戌刻卒年十有八多爾濟塞布騰喀爾

喀智勇親王丹津多爾濟之子雍正七年尚主十年十月封世子明年七月以其父冒功誤軍諸罪連坐削爵十三年乙卯二

卒月

和碩端柔公主世宗弟莊親王允祿第一女康熙五十三年甲

午二月二十九日巳時生福晉郭囉羅氏出雍正初撫養宮中

八年庚戌年十七十二月下嫁科爾沁博爾濟錦氏齊默特多

爾濟九年四月封今位號乾隆十九年甲戌十二月十二日辰

刻卒年四十一齊默特多爾濟郡王羅卜藏喇什之子乾隆三年襲封科爾沁郡王四十七年壬寅卒

高宗純皇帝

皇長女雍正六年戊申十月初二日子時生潛邸嫡妃富察氏即孝賢純皇后出明年己酉十二月二十七日戌刻殤年二歲

皇二女雍正九年辛亥四月二十七日寅時生潛邸庶妃富察氏即哲憫皇貴妃出十二月初九日申刻殤

皇三女固倫和敬公主雍正九年辛亥五月二十四日卯時生潛邸嫡妃富察氏即孝賢純皇后出為端慧皇太子永璉同母妹乾隆初封今位號十二年丁卯年十七三月下嫁科爾沁博爾濟錦

氏輔國公色布騰巴勒珠爾留住京師四十年三月夫亡五十七年壬子六月二十八日卯刻卒年六十有二

色布騰巴勒珠爾世祖時端敏公主額駙

班第之孫乾隆八年八月封科爾沁輔國公十七年七月晉襲親王二十年五月以功賜食雙俸增護衛一倍九月坐縱賊削爵嚴

禁二十三年四月復以軍功封親王七月被創還京三十二年授理藩院尚書尋病免三十七年二月授金川軍務參贊大臣旋被

劾革職削爵在家圈禁明年六月復因倫額駙仍授金川軍務參贊大臣七月加領侍衛內大臣四十年乙未三月二十八日寅刻卒於軍次四月詔還親王爵予諡曰毅

皇四女和碩和嘉公主乾隆十年乙丑十二月初二日卯時生純

貴妃蘇氏即純惠皇貴妃出為質莊親王永瑤同母姊乾隆二十

五年庚辰年十六正月封今位號三月下嫁富察氏孝賢純皇后

親弟大學士一等忠勇公傅恆次子福隆安三十二年丁亥九月

初七日卒年二十有三福隆安字珊林乾隆十一年丙寅生二十三年十月授和碩額駙越二年尚主是年

七月襲父爵封一等忠勇公官至兵部尚書兼軍機大臣三十八年四月加太子太保四十九年甲辰三月二十四日寅刻卒年三

十九子諡勤恪

皇五女乾隆十八年癸酉六月二十三日寅時生皇后納喇氏即

追降皇后出二十年乙亥四月二十二日酉刻殤年三歲

皇六女乾隆二十年乙亥七月十七日寅時生忻嬪戴佳氏即忻貴妃出二十三年戊寅八月二十六日殤年四歲

皇七女固倫和靜公主乾隆二十一年丙子七月十五日寅時生

令妃魏氏即贈孝儀純皇后出為仁宗同母姊三十五年庚寅年

十五正月封今位號七月下嫁喀爾喀博爾濟錦氏額駙超勇親

王策凌之孫世子拉旺多爾濟四十年乙未正月初十日未刻卒

年二十拉旺多爾濟乾隆二十九年正月封世子尚主之明年襲封超勇親王四十年授領侍衛內大臣尋兼都統嘉慶八

年閏二月禽宮門行刺男子成德詔賜御用補袿浣充上書房總譜達二十一年丙子乞病歸藩五月十六日申刻卒

皇八女乾隆二十二年丁丑十二月初七日戌時生忻嬪戴佳氏

即忻貴妃出三十二年丁亥五月二十一日未刻殤年十一歲

皇九女和碩和恪公主乾隆二十三年戊寅七月十四日戌時生

令妃魏氏卽贈孝儀純皇后出爲皇七女同母妹三十六年十二月封今位號明年壬辰年十六八月下嫁烏雅氏贈太保協辦大學士一等武毅謀勇公兆惠之子襲公札蘭泰四十五年庚子十一月十九日卯刻卒年二十有三

札蘭泰乾隆三十年七月襲父爵封一等武毅謀勇公三十六

年授散秩大臣五十二年戊申三月十七日寅刻卒

皇十女固倫和孝公主乾隆四十年乙未正月初三日丑時生惇嬪汪氏卽惇妃出四十五年五月指配鈕祜祿氏御前大臣軍機大臣戶部尙書晉遷大學士封忠襄伯和珅之子豐紳殷德五十二年八月賜乘金頂轎五十二年正月封今位號五十四年己酉年十五十一月二十七日下嫁嘉慶四年正月遘家難仍留籍產資公主養贍十五年四月夫亡道光三年癸未九月初十日子刻

卒年四十有九

豐紳殷德字天爵號潤圃乾隆三十六年辛卯生四十五年年十歲高宗既指婚遂賜今名尚主之

明年授散秩大臣嘉慶四年正月父和坤伏法豐紳殷德以公主故免連坐仍給伯爵授散秩大臣七年十二月賜民公品級明年

八月緣事削尋授副都統十二年十二月仍授伯爵品級十五年庚午四月再晉公爵品級旋於十七日卯刻卒年四十

和碩和婉公主高宗弟和親王弘晝第一女雍正十二年甲寅

六月二十四日申時生福晉烏札庫氏出乾隆初撫養宮中封

今位號十五年庚午年十七二月下嫁巴林博爾濟錦氏德

勒克二十五年庚辰三月十七日未刻卒年二十有七

德勒克郡王璘

沁長子聖祖榮憲公主額駙烏爾滾從孫乾隆二十一年六月襲封巴林輔國公在內廷行走四十八年晉貝子尋擢理藩院

額外侍郎五十九年甲寅卒

仁宗睿皇帝

皇長女乾隆四十五年庚子四月十一日丑時生潛邸庶妃關佳

氏卽贈簡嬪出四十八年癸卯十一月初一日亥刻殤年四歲

皇二女乾隆四十五年庚子四月三十日子時生潛邸嫡妃喜塔

臘氏卽孝淑睿皇后出四十八年癸卯八月初十日子刻殤年四

歲

皇三女莊敬和碩公主乾隆四十六年辛丑十二月十七日巳時

生潛邸庶妃劉佳氏卽和裕皇貴妃出嘉慶六年辛酉年二十一

十一月下嫁科爾沁博爾濟錦氏郡王索特納木多布濟十三年

二月命赴游牧拜謁祖塋十六年辛未三月十二日戌刻卒年三

十有一葬昌陵附近王佐村園寢索特納木多布濟世宗時端柔

多爾濟之孫乾隆四十八年襲父爵封郡王嘉慶四年正月命御

前行走尚主後洊授御前大臣十年扈駕盛京十四年正月賜用

黃韁二十五年七月與受末命道光五年乙酉七月初十日巳刻卒晉贈親王無子以從子僧格林沁嗣

壽皇太后普慈

皇女

十九

按高宗以上歷朝實錄公主封號皆繫於固倫和碩諸字之下仁宗實錄始改冠封號於固倫和碩諸字之上及宣宗道光二十四年五月更以明旨定其書法如此玉牒遂一律追改矣本譜不從特誌其書法改變之由以備參考

皇四女莊靜固倫公主乾隆四十九年甲辰九月初七日申時生潛邸嫡妃喜塔臘氏即孝淑睿皇后出為宣宗同母妹嘉慶七年壬戌年十一月封今位號下嫁土默特博爾濟錦氏貝子瑪尼巴達喇十三年二月命赴游牧拜謁祖塋十六年辛未五月初七日丑刻卒年二十有八葬昌陵附近王佐村園寢瑪尼巴達喇嘉慶四年襲封土默特貝子十四年正月賜用黃韁十八年扈駕熱河歷官前鋒統領蒙古都統道光元年十月丁父憂五年七月授御前大臣八年正月加郡王銜賜用四團龍補十年七月初九日卒理十一年八月晉封貝勒十二年壬辰十一月初九日卒

皇五女贈慧安和碩公主乾隆五十一年丙午十一月十一日巳時生潛邸庶妃沈氏卽贈遜嬪出六十年乙卯五月初七日寅刻殤年十歲嘉慶十年三月葬梁格莊園寢二十三年三月追封今位號

皇六女乾隆五十四年己酉六月十二日未時生潛邸庶妃侯氏卽華妃出五十五年庚戌五月初七日戌刻殤年二歲

皇七女乾隆五十八年癸丑六月二十六日午時生潛邸側妃鈕祜祿氏卽孝和睿皇后出六十年乙卯六月初一日子刻殤年三歲

皇八女嘉慶十年乙丑二月初八日戌時生貴人鈕祜祿氏卽恭順皇貴妃出十一月二十五日寅刻殤

皇九女贈慧愍固倫公主嘉慶十六年辛未正月二十五日巳時
生如妃鈕祜祿氏卽恭順皇貴妃出爲惠親王綿愉同母姊二十
年乙亥五月二十二日酉刻殤年五歲追封今位號葬梁格莊園
寢

宣宗成皇帝

皇長女贈端悃固倫公主嘉慶十八年癸酉七月初三日酉時生
潛邸繼妃佟佳氏卽孝慎成皇后出二十四年己卯十月二十日
酉刻殤年七歲追封郡主葬許家峪園寢二十五年九月追封今
位號

皇二女道光五年乙酉正月十三日子時生祥嬪鈕祜祿氏卽贈
祥妃出七月十四日卯刻殤

皇三女贈端順固倫公主道光五年乙酉二月二十日寅時生全
妃鈕祜祿氏卽孝全成皇后出十五年乙未十一月初八日殤年
十一歲追封今位號葬陳家門園寢

皇四女壽安固倫公主道光六年丙戌四月初六日酉時生全貴
妃鈕祜祿氏卽孝全成皇后出爲文宗同母姊二十一年辛丑年
十六二月指配奈曼部博爾濟錦氏頭等台吉德穆楚克札布尋
封今位號十月初三日下嫁咸豐十年庚申閏三月初三日申刻
卒年三十有五葬京師郊外園寢同治元年三月德穆楚克札布

請移葬藩部不許

德穆楚克札布奈曼部郡王阿完都瓦第札布
之子旣尚主道光二十三年三月賜用紫韁二

十八年九月襲封奈曼部札薩克郡王三十年十一月授御前大
臣咸豐元年三月賜用黃韁十月授蒙古都統六年二月乞假省
親十年正月賜用親王補同治四年乙丑正月
乞病歸藩六月卒晉贈親王賜祭葬如親王例

皇五女壽臧和碩公主道光九年乙丑十月十九日卯時生祥妃
 鈕祜祿氏出二十一年封今位號二十二年壬寅年十四三月指
 配那木都魯氏三等男侍順之子恩崇十二月初三日下嫁咸豐
 六年丙辰七月初九日巳刻卒年二十有八恩崇初名恩醇咸豐
 七年正月游授滿州
 副都統尋兼內務府總管十一年避穆宗嫌名改今名同治元年
 四月免內務府總管二年五月署漢軍副都統三年甲子二月再
 兼署尋卒無子
 以從子為嗣

皇六女壽恩固倫公主道光十年庚寅十二月初七日寅時生靜
 妃博爾濟錦氏即孝靜成皇后出為恭親王奕訢同母姊二十四
 年二月封今位號指配富察氏一等公工部尚書博啓圖之子景
 壽明年乙巳年十六四月下嫁咸豐九年己未四月十三日卯刻
 卒年三十歲景壽道光二十四年賜頭品頂帶在上書房讀書後
 襲封一等誠嘉毅勇公咸豐五年七月游授蒙古都

統六年正月授御前大臣賜用紫韁尋授領侍衛內大臣十年八月扈駕熱河十一年七月與怡親王載垣等與受末命自稱贊襄政務大臣十月削職仍留公爵及額駙品級同治元年二月起蒙古都統三月授御前大臣三年七月仍賜紫韁十月授領侍衛內大臣十三年十二月命管神機營事光緒十五年己丑六月卒諡端勤

皇七女道光二十年庚子七月初二日亥時生彤貴妃舒穆魯氏出二十四年甲辰十二月二十日未刻殤年五歲

皇八女壽禧和碩公主道光二十一年辛丑十一月二十六日午時生彤貴妃舒穆魯氏出咸豐五年十一月封今位號指配鈕祜

祿氏副都統熙拉布之子札拉豐阿同治二年癸亥年二十三十月下嫁五年丙寅八月初二日酉刻卒年二十有六札拉豐阿初

後賜改今名字鶴汀初充御前侍衛同治十二年正月授漢軍副都統洵官至護軍統領光緒十四年十一月累遷都統管神機營事十五年正月賜朝馬十月賜用紫韁二十年正月賜用固倫額駙補服二十四年戊戌五月卒

青皇宮 皇女

三二

皇九女壽莊固倫公主道光二十二年壬寅二月十三日戌時生
 琳妃烏雅氏即莊順皇貴妃出為醇親王奕譞同母妹咸豐五年
 十一月封壽莊和碩公主指配博羅特氏世襲誠勇公裕恆之子
 德徽同治二年癸亥年二十一月下嫁四年正月夫亡光緒
 七年十月晉封今位號賜乘黃轎十年甲申二月十四日午刻卒
 年四十有三年德徽一等誠勇公班第之後授散秩大臣同治四年乙丑正月卒無子光緒十一年詔以從子為嗣
 皇十女道光二十四年甲辰三月十七日寅時生彤貴妃舒穆魯
 氏出明年乙巳正月二十日卯刻殤年二歲

文宗顯皇帝

皇女榮安固倫公主咸豐五年乙卯五月初七日寅時生麗嬪他
 他拉氏即莊靜皇貴妃出同治五年九月指配瓜爾佳氏世襲一

等雄勇公苻珍九年九月封今位號十二年癸酉年十九八月下
嫁十三年甲戌十二月二十九日巳刻卒年二十歲苻珍初名瑞
煜太宗十額
駙輝塞之後襲封一等雄勇公指婚後改賜今名授散秩大臣同
治十一年二月擢漢軍副都統光緒六年九月署護軍統領十年
十月累遷御前大臣十六年二月授都統十八年閏六月授內大
臣二十年正月賜用紫韁二十六年七月未隨扈行在八月命留
京辦理旗務宣統元年己酉十二月卒

榮壽固倫公主文宗弟恭親王奕訢第一女咸豐四年甲寅二
月初二日巳時生福晉瓜爾佳氏出十一年十二月特詔封爲
固倫公主同治四年九月奕訢爲辭固倫封號詔改封爲榮壽
公主五年丙寅年十三九月詔依和碩公主例下嫁富察氏額
駙一等公景壽之子一品蔭生志端十年十月夫亡光緒七年
十月晉封今位號賜乘黃轎二十年正月賜食公主雙俸宣統

三年辛亥時年五十有八年志端既尚主賜戴雙眼花翎同治十年辛未十月十二日卒無子光緒十五年八月詔以從子為嗣

清皇室四譜卷四終

男文奮謹校字

清皇室四譜刊誤

卷一第一頁前片第四行天女曰當爲曰天女

又 第五頁後片第五行第六行幾輔皆當爲畿輔

又 第九頁前片第九行二十七年正月當爲正月後片第六行

裕明當爲裕陵

又 第十二頁後片第四行幾輔當爲畿輔

卷二第三頁後片末行夾注夕商當爲及商

又 第三十四頁後片第六行康順當爲康頤

卷二第一頁前片第六行建建衛當爲建州衛後片第二行普都

督當爲晉都督

又 第二十七頁前片第十行慧賢當爲慧質

又第三十一頁前片第三行瑞郡王當爲端郡王